

**26 Июля 2024 года (8 Августа 2024 года по н.ст.), Четверг, (А95), Глас 5.
Преподобнаго Моисея Угурина, В Ближних пещерах почивающаго. Служба
Полиелейная**

ВЕЛИКАЯ ВЕЧЕРНЯ

Священник по окончании 9-го часа облачившись в епитрахиль и фелонь, открыв завесу, выходит из Алтаря северной двери, становится перед Царскими вратами и возглашает

Иерей: *Благословен Бог наш всегда, ныне и присно, и во веки веков.*

Чтец: *Аминь.*

Чтец: *Приидите, поклонимся Цареву нашему Богу.*

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Священник Читает тайно 7 светильничных молитв (без головного убора)

Псалом 103, предначинательный:

Благослови, душе моя, Господа. Господи, Боже мой, возвеличился еси зело, во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и обратася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благости, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеви в животе моем,

пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

В это время священник уходит в Алтарь, а диакон выходит северными дверями на амвон и произносит великую ектению. Если нет диакона, священник остается и произносит ектению сам.

Великая ектения:

Диакон: Миром Господу помолбимся.

Хор: Господи, помилуй. *(На каждое прошение)*

Диакон: О Свышнем мире и спасении душ наших, Господу помолбимся.

О мире всего мира, благостоянии Святых Божиих Церквей и соединении всех, Господу помолбимся.

О святем храме сем и с верою, благоговением и страхом Божиим входящих во нь, Господу помолбимся.

О великом Господине и Отце нашем Святейшем Патриархе **(Имярек)**, и о Господине нашем, Высокопреосвященнейшем митрополите (или: архиепископе, или: преосвященнейшем епископе **(Имярек)**), честнем пресвитерстве, во Христе диаконстве, о всем причте и людех, Господу помолбимся.

О Богохранимем стране нашей, властех и воинстве ея, Господу помолбимся.

О граде сем (или о веси сей), всяком граде, стране и верою живущих в них, Господу помолбимся.

О благорастворении воздушов, о изобилии плодов земных и временах мирных, Господу помолбимся.

О плавающих, путешествующих, недугующих, страждущих, плененных и о спасении их. Господу помолбимся.

О избавитися нам от всякия скорби, гнева и нужды, Господу помолбимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

Блажен муж:

Хор: Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеву со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилу́иа, аллилу́иа, аллилу́иа.

Сла́ва Отцу́ и Сы́ну и Свято́му Духу.

Аллилу́иа, аллилу́иа, аллилу́иа.

И ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа.

Аллилу́иа, аллилу́иа, аллилу́иа, сла́ва Тебе́ Бо́же. (Три́жды)

Ектенія ма́лая:

Диáкон: Па́ки и па́ки ми́ром Го́споду помóлимся.

Хор: Го́споди, поми́луй.

Диáкон: Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диáкон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Твоя́ держа́ва, и Твое́ есть Ца́рство, и си́ла, и сла́ва, Отца́ и Сы́на и Свята́го Ду́ха, ны́не и прѣсно и во ве́ки веко́в.

Хор: Ами́нь.

Господи Возвах Глас 1:

Хор: Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су моле́ния моего́,/ внегда́ воззва́ти ми к Тебе́.// Услы́ши мя, Го́споди.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ – же́ртва вече́рняя.// Услы́ши мя, Го́споди.

Чтец или Хор Положи́, Го́споди, хране́ние усто́м моим и двeрь огражде́ния о устна́х моих.

Не уклони́ се́рдце мое́ в словеса́ лука́вствия, непщевáти вины́ о гресéх

С челове́ки де́лающими беззакóние; и не сочту́ся со избра́нными их.

Нака́жет мя пра́ведник ми́лостию и обличи́т мя, елeй же грeшнаго да не нама́стит главы́ моея́;

Я́ко ещé и моли́тва моя́ во благоволе́ниях их, пожeрты бы́ша при ка́мени судий их;

Услы́шатся глаго́лы мои, я́ко возмо́гоша, я́ко то́лща земли́ просeдeся на земли́, расточи́шася ко́сти их при áде.

Я́ко к тебе́, Го́споди, Го́споди, о́чи мои́; на тя упова́х, не отими́ ду́шу мою́;

Сохрани́ мя от се́ти, ю́же соста́виша ми, и от собла́зн де́лающих беззакóние.

Падут во мре́жу свою́ грeшницы; еди́н eсмь аз, до́ндеже прейдú.

Гла́сом моим ко Го́споду воззва́х, гла́сом моим ко Го́споду помолихся.

Пролию́ пре́д ним моле́ние мое́, печа́ль мою́ пре́д ним возвещú.

Внегда́ исче́зати от мене́ ду́ху моему́, и ты позна́л еси́ стези́ моя́;

На пути́ сем, по нему́же хождáх, скрýша се́ть мне́.

Сматрýх одесну́ю и взгля́дах, и не бе́ зная́ мене́; поги́бе бeгство от мене́, и не́сть взыска́яй ду́шу мою́.

Возва́х к тебе, Го́споди, рех; ты еси́ упова́ние мое, ча́сть моя еси́ на земли́ живы́х.

Вонми́ моле́нию моему́, я́ко смири́хся зело́;

Изба́ви мя от гоня́щих мя, я́ко укрепи́шася па́че мене́.

Изведи́ из темни́цы ду́шу мою́, испове́датися и́мени Твоему́.

Мене́ ждѹт пра́ведницы, до́ндеже возда́си мне́.

Из глуби́ны воззва́х к Тебе́, Го́споди, Го́споди, услы́ши гла́с мой.

Да бу́дут у́ши Твои́ внемлю́ще гла́су моле́ния моего́.

Стихиры Преподобного Моисея Глас 1:

На 8. Стих: Из глуби́ны воззва́х к Тебе́, Го́споди, // Го́споди, услы́ши глас мой.

Стихира: Чистоте́ душе́вной прилежа́, / чистоту́ теле́сную вы́ну соблю́л еси́, / о́тче наш Моисе́е, / е́юже укра́шен, / , послéдуеши ны́не Непоро́чному и Пречи́стому А́гнцу, / за весь мир заклáнному Сы́ну Бо́жию, / Емѹ́же о нас моли́ся, преподо́бне, / соблю́сти ри́зу души́ на́шея в жи́зни сей нескве́рну / и вни́ти в Черто́г Небе́сный.

Стих: Да бу́дут у́ши Твои́ // внемлю́ще гла́су моле́ния моего́.

Стихира: Чистоте́ душе́вной прилежа́, / чистоту́ теле́сную вы́ну соблю́л еси́, / о́тче наш Моисе́е, / е́юже укра́шен, / , послéдуеши ны́не Непоро́чному и Пречи́стому А́гнцу, / за весь мир заклáнному Сы́ну Бо́жию, / Емѹ́же о нас моли́ся, преподо́бне, / соблю́сти ри́зу души́ на́шея в жи́зни сей нескве́рну / и вни́ти в Черто́г Небе́сный.

На 6. Стих: А́ще беззакóния на́зриши, Го́споди, Го́споди, кто постои́т? // Я́ко у Тебе́ очи́щение е́сть.

Стихира: Чистоте́ душе́вной прилежа́, / чистоту́ теле́сную вы́ну соблю́л еси́, / о́тче наш Моисе́е, / е́юже укра́шен, / , послéдуеши ны́не Непоро́чному и Пречи́стому А́гнцу, / за весь мир заклáнному Сы́ну Бо́жию, / Емѹ́же о нас моли́ся, преподо́бне, / соблю́сти ри́зу души́ на́шея в жи́зни сей нескве́рну / и вни́ти в Черто́г Небе́сный.

Стих: Имене́ ра́ди Твоего́ потерпéх Тя, Го́споди, потерпé душа́ моя́ в сло́во Твое́, // упова́ душа́ моя́ на Го́спода.

Стихира: Моисе́ю Богови́дцу уподо́бился еси́, свѣте, / умне́ бо, я́коже в купинé, в души́ своéй Бо́га зря, / к стра́ху Егó ум свой пригвозди́л еси́ / и, той при́сно пред очѣ́ма имéя, / желáнием, а́ки пла́менем, в любóвь Бо́жию распали́лся еси́, / от нея́же никогда́же не отступи́л еси́. / И ны́не Престо́лу Вели́чества на вы́соких предсто́я, / моли́ о нас, да жизнь на́шу безстра́стне пре́йдем / и яви́мся лицу́ Бо́жию.

На 4. Стих: От стра́жи у́тренния до но́щи, от стра́жи у́тренния, // да упова́ет Израи́ль на Го́спода.

Стихира: Моисе́ю Богови́дцу уподо́бился еси́, свѣте, / умне́ бо, я́коже в купинé, в души́ своéй Бо́га зря, / к стра́ху Егó ум свой пригвозди́л еси́ / и, той при́сно пред очѣ́ма имéя, / желáнием, а́ки пла́менем, в любóвь Бо́жию распали́лся еси́, / от нея́же никогда́же не отступи́л еси́. / И ны́не Престо́лу Вели́чества на вы́соких предсто́я, / моли́ о нас, да жизнь на́шу безстра́стне пре́йдем / и яви́мся лицу́ Бо́жию.

Стих: Яко у Гбспода мѣлость, и многое у Него избавлѣние, // и Той избавит
Израїля от всех беззаконий его.

Стихира: Моисею Боговидцу уподобился еси, свѣте, / умне бо, якоже в купинѣ,
в души своей Бга зря, / к страху Его ум свой пригвоздил еси / и, той присно
пред очима имея, / желанием, аки пламенем, в любовь Божию распалился еси, /
от неяже никогдаже не отступил еси. / И ныне Престолу Величества на
высоких предстоя, / моли о нас, да жизнь нашу безстрастне прѣйдем / и явимся
лицу Божию.

На 2. Стих: Хвалите Господа вси языцы, // похвалите Его вси людие.

Стихира: Духа Пресвятаго благодать, / всельшися в чистую душу твою, /
непреодоленна ты сотвори всеми прилоги человекоубийцы, / на негоже и
победу прием, / помощию Христовою коварства того посекл еси / и
непреборим воин показался еси; / и ныне Престолу Владычню предстоя, /
моли даровати нам мир и велию милость.

Стих: Яко утвердися милость Его на нас, // и истина Господня пребывает
во век.

Стихира: Духа Пресвятаго благодать, / всельшися в чистую душу твою, /
непреодоленна ты сотвори всеми прилоги человекоубийцы, / на негоже и
победу прием, / помощию Христовою коварства того посекл еси / и
непреборим воин показался еси; / и ныне Престолу Владычню предстоя, /
моли даровати нам мир и велию милость.

Глас 6:

Слава Отцу и Сыну и Святому Духу

Стихира: Приидите, празднлюбных собори, / духовный лик составльше, /
память богонбснаго отца нашего Моисея, крепкаго страдальца, / в летнем
торжестве восхвалим; / той бо на невидимаго врага, / нечистыми страстьми
запяти чистоте его хотящаго, крепко подвизася / и чистоты ради много
пострада, / упование же имей к Богу, венценосец показася, / и ныне предстоя
Святей Троице, / молится о душах наших.

И ныне и присно и во веки веков. Аминь.

Догматик на глас Славы, Глас 6:

**Кто Тебе не ублажит, Пресвятая Дево? / кто ли не воспоеет Твоего Пречистаго
Рождества? / безлетно бо от Отца возсиявый Сын Единородный, / Тойже от
Тебе, Чистая, пройде, / неизреченно воплощся: / естеством Бог Сый / и
естеством быв Человек нас ради; / не во двою лицу разделяемый, / но во двою
естеству / неслитно познаваемый. / Того моли, Чистая Всеблаженная, /
помилуватися душам нашим.**

Вход с кадилом:

Диакон: Премудрость, прбсти.

Свете Тихий:

Хор: Свете Тихий святых славы Безсмертнаго Отца Небснаго, Святаго,
Блаженнаго, Иисусе Христе! Пришедше на запад солнца, видевше свет
вечерний, поем Отца, Сына и Святаго Духа, Бга. Достбин еси во вся времена

пет быти гласы преподобными, Сыне Божий, живот даяй; темже мир Тя славит.

Диакон: Вбнемем.

Иерей: Мир всем.

Хор: И духови твоему.

Положив обычный поклон, диакон, аще же несть, священник, глаголет прокимен дне.

В среду вечера, глас 5:

Диакон: Премудрость. Воннемем.

Диакон: Бже, во имя Твое спаси мя, / и в силе Твоей суди ми.

Хор: Бже, во имя Твое спаси мя, / и в силе Твоей суди ми.

Стих: Бже, услыши молитву мою, внуши глаголы уст моих.

Хор: Бже, во имя Твое спаси мя, / и в силе Твоей суди ми.

Диакон: Бже, во имя Твое спаси мя

Хор: И в силе Твоей суди ми.

Паремии:

Паремии Преподобнаго Моисея:

Диакон: Премудрость.

Чтец: Премудрости Соломоновы чтение

Диакон: Вбнемем.

[главы 5 и 6].

Чтец: Праведницы во веки живут, и в Господе мзда их: и попечение их у Вышняго. Сего ради примут Царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение свое, и вооружит тварь в мечь врагом. Облечется в броня правды, и возложит шлем, суд нелицемерен. Приимет щит непобедимый преподобие. Поострит же напрасный гнев во оружие: споборет же с ним мир на безумныя. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости исполнь падут грады. Вознегодует на них вода морская, реки же потопят я нагло. Спротив станет им дух силы, и яко вихор развеет их, и опустошит всю землю беззаконие, и злодейство превратит престолы сильных. Слышите убо царие, и разумейте, навикните судий концев земли. Внушите держащие множества, и гордящиеся о народах языков, яко дана есть от Господа держава вам, и сила от Вышняго.

Диакон: Премудрость.

Чтец: Премудрости Соломоновы чтение.

Диакон: Вбнемем.

[Глава 3.]

Чтец: Праведных души в руке Божией, и не прикоснется их мука. Непщевани быша в очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше,

великими благодетельствовани будут, яко Бог искуси я, и обрете их достойны Себе. Яко злато в горниле искуси их, и яко всеплодие жертвенное прият я. И во время посещения их возсияют, и яко искры по стоблию потекут. Судят языком, и обладают людьми, и воцарится Господь в них во веки. Надлежащие нань, разумют истину, и вернии в любви пребудут Ему: яко благодать и милость в преподобных Его, и посещение во избранных Его.

Диакон: Премудрость.

Чтец: Премудрости Соломоновы чтение

Диакон: Воннем.

[глава 4].

Чтец: Праведник аще постигнет скончатися, в покои будет. Старость бо честна не многолетна, ниже в числе лет исчитается. Седина же есть мудрость человеком, и возраст старости, житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или леть прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга: угодна бо бе Господеви душа его. Сего ради потщася от среды лукавствия. Люди же видевше, и не разумевше, ниже положше в помышлении таково: яко благодать и милость в преподобных его, и посещение во избранных его.

Ектения сугубая:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите **(или: архиепископе, или: преосвященнейшем епископе Имярек)**, и всей во Христе братии нашей.

Еще молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святаго храма сего, и о всех преждепочивших отцех и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

Еще молимся о плодоносящих и добродетельных во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: АМИНЬ.

Сподоби, Господи:

Хор: **С**подоби, Господи, в вечер сей без греха сохранитися нам. Благословен еси, Господи, Боже отец наших, и хва́льно и прославлено имя Твое во веки. Ами́нь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. Ами́нь.

Ектения просительная:

Диакон: Исполним вечернюю молитву нашу Господеву.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: **П**одай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славленную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Благи и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Ами́нь.

Иерей: Мир всем.

Хор: И духови твоему.

Диакон: Главы наша Господеву приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков.

Хор: Ами́нь.

Стихиры на стиховне Преподобнаго Моисея, Глас 1:

Подобен: Прехвальнии мученицы:

Стихира: Прехвальному страстотерпцу Российскому князю Борису/ верне работая, отче наш Моисее,/ научился еси служити и Царю Небесному в преподобии и правде./ Емуже ныне предстоя,/ не забуди и о нас молити,/ да поработим духови уды наша/ и приимем венцы почести Небесныя.

Стих: Блажен муж, бойся Господа, / в заповедех Его восхощет зело.

Стихира: Ты, преблаженне отче наш Моисее, / боящемся Бога владыце последуя, / научился еси кротости и смирению / и за того любовь готов был еси душу свою положить, / ничтоже противяся врагом видимым, / точно бо стал еси противу невидимым, / ихже до конца победив, / молися и о нас Вышнему Владыце, / еже победити духи злобы поднебесныя.

Стих: Восхвалятся преподобнии во славе / и возрадуются на ложах своих.

Стихира: Вышняго благодать соблюде тя, преподобне: / убиваему сущу господину твоему, / тебе покры всецелая десница Христа Бога / и сохрани тя, яко зеницу ока, / дондеже сотвори тя вернаго Себе раба, / Емуже в жизни сей верне поработав, / приял еси радостный динарий жизни вечныя, / моли не лишиться сего и нам, / чтущим память твою.

Слава Отцу и Сыну и Святому Духу.

Преподобнаго Моисея Глас 8:

Стихира: Монахов Российских собори / и чистоты рачителие, / приидите к святей пещере / и видите раку многоцелбных мощей преблаженнаго отца нашего Моисея, / и научитесь от того смирению и чистоте, / терпению же и великодушию, / и прославите Отца Небеснаго, / дарующаго рабом Своим велию милость.

И ныне и присно и во веки веков. Аминь.

Владычице, Мати всех Творца, / днесь в пречестнем Твоем храме, / ебоже в жилище Себе создала еси / и многими чудесы обогатила еси, / нас, поющих, избави / от всякия нужды и печали.

Молитва святого Симеона Богоприимца:

Чтец: Ныне отпускаеши раба Твоего, Владыко, / по глаголу Твоему, с миром; / яко видеста очи мои спасение Твое, / еже еси уготовал пред лицом всех людей, / свет во откровение языков, // и славу людей Твоих Израиля.

Трисвятбѣ по Отче наш:

Чтец: Святыи Боже, Святыи Крепкий, Святыи Безсмертный, помилуй нас.

(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Амѣнь.

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

С лава Отцу и Сыну и Святому Духу и ныне и присно и во веки веков. Амѣнь.

Богородичен из третьего приложения по гласу Тропаря

Тя, ходатайствовавшую спасение рода нашего, / воспеваем, Богородице Дево: / плотью бо, от Тебе восприятою, Сын Твой и Бог наш, / Крестом восприим страсть, / избави нас от тли яко Человеколюбец.

Диакон: Премудрость.

Хор: Благослови.

Иерей: Сый благословен Христос Бог наш, всегда, ныне и присно и во веки веков.

Хор: Амѣнь. Утверди, Боже, святую православную веру, православных христиан во век века.

УТРЕНЯ:

Иерей: Слава Святѣй, и Единосущней, и Животворящей, и Нераздельней Троице всегда, ныне и присно, и во веки веков.

Этот возглас священник говорит перед престолом, облачившись в Фелонь, и делает кадилом крест.

Хор: Амѣнь.

Слава в вышних Богу, и на земли мир, в человецех благоволение. *(Трижды)*
Господи, устне мои отверзеши, и уста моя возвестят хвалу Твою. *(Дважды)*

Чтец глаголет шестопсалмие (псалмы 3, 37, 62, 87, 102, 142).

Во время шестопсалмия иерей читает 12 утренних молитв: 6 перед престолом, 6 перед Царскими вратами.

Псалом 3:

Чтец: Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Псалом 37:

Господи, да не яростию Твоею обличиши мене, ниже гневом Твоим накажеши мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего.

Пострадах и слякохся до конца, весь день сетуя хождях. Яко лядвия моя напълнишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобю все желание мое и въздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возведу и попекуся о гресе моем. Врази же мой живут и укрепшася паче мене, и умножишася ненавидящии мя без правды. Воздающии ми злая възлагая оболгаху мя, зане гонях благостыню. Не остави мене, Господи Боже мой, не отступи от Мене. Вонми в помощь мою, Господи спасения моего.

Не остави мене, Господи Боже мой, не отступи от Мене. Вонми в помощь мою, Господи спасения моего.

Псалом 62:

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похваляте Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части листовом будут. Царь же возвеселится о Бозе, похвалится всяк кленыйся Им, яко заградшася уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Псалом 87:

Господи Боже спасения моего, во дни возвах, и в нощи пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша.

Положиша мя в рове преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от Мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от Мене? Нищ есмь аз, и в трудех от юности моя; вознес же ся, смирихся, и изнемогах. На мне преидоша гневи Твои, устрашения Твоя возмутиша мя, обидоша мя яко вода, весь день одержаша мя вкупе. Удалил еси от Мене друга и искренняго, и знаемых моих от страстей.

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему.

Псалом 102:

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от исления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказа пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящие слово Его, услышати глас словес Его. Благословите Господа вся Силы Его, слуги Его, творящие волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля

безводная Тебѣ. Скоро услыши мя, Господи, исчезѣ дух мой, не отврати лица Твоего от Мене, и уподоблюся низходящым в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебѣ взях душу мою. Изми мя от враг моих, Господи, к Тебѣ прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведѣши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебѣ Божѣ. (Трижды)

Великая ектенія:

Диакон: Мiром Господу помолимся.

Хор: Господи, помилуй. *(На каждое прошение)*

Диакон: О Свѣшнем мире и спасѣнии душ наших, Господу помолимся.

О мире всего мiра, благостоянии Святых Божиих Церквей и соединѣнии всех, Господу помолимся.

О святем храме сем и с верою, благоговѣнием и страхом Божиим входящих в оны, Господу помолимся.

О великом Господине и Отце нашем Святѣйшем Патриархе **(Имярек)**, и о Господине нашем, Высокопреосвященнейшем митрополите **(или: архиепископе, или: преосвященнейшем епископе Имярек)**, честнем пресвитерстве, во Христѣ диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем (или о веси сей), всяком граде, стране и верою живущих в них, Господу помолимся.

О благорастворѣнии воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасѣнии их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Божѣ, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христѣ Богу предадим.

Хор: Тебѣ, Господи.

Иерей: Яко подобает Тебѣ всякая слава честь и поклонѣние, Отцу и Сыну и Святому Духу, ныне и присно и во веки веков.

Хор: Аминь.

Бог Господь, Глас 3:

Диакон: Бог Господь, и явися нам, благословен Грядый во Имя Господне.

Стих 1: Исповѣдайтесь Господеву, яко благ, яко в век милость Его.

Хор: Бог Господь, и явися нам, благословен Грядый во Имя Господне. *(И далее на каждый стих)*

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повем дела Господня.

Стих 4: Камень, Егже небрегбша зждущии, Сей бысть во главу угла, от Господа бысть Сей, и есть дивен во очесех наших.

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость. *(Дважды)*

С лава Отцу и Сыну и Святому Духу и ныне и присно и во веки веков. Аминь.

Богородичен из третьего приложения по гласу Тропаря

Тя, ходатайствовавшую спасение рода нашего, / воспеваем, Богородице Дево: / плотию бо, от Тебе восприятою, Сын Твой и Бог наш, / Крестом восприим страсть, / избави нас от тли яко Человеколюбец.

КАФИЗМЫ:

Хор: Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Кафизма третиянадесять

Псалом 91:

Благо есть исповедатися Господеви, и пети имени Твоему, Вышний: возвещати заутра милость Твою и истину Твою на всяку ночь, в десятиструннем псалтири с песнию в гуслах. Яко возвеселил мя еси, Господи, в творении Твоем, и в делах руку Твоею возрадуюся. Яко возвеличишася дела Твоя, Господи, зело углубишася помышления Твоя. Муж безумен не познает, и неразумив не разумеет сих. Внегда прозябша грешницы яко трава, и проникоша вси делающие беззаконие: яко да потребятся в век века. Ты же Вышний во век, Господи. Яко се врази Твои, Господи, яко се врази Твои погибнут, и разыдутся вси делающие беззаконие. И вознесется яко единорога рог мой, и старость моя в елени мастите. И возре око мое на враги моя, и востающыя на мя лукавнующыя услышит ухо мое. Праведник яко финикс процветет, яко кедр, иже в Ливане, умножится. Насаждени в дому Господни, во дворех Бога нашего процветут, еще умножатся в старости мастите, и благоприемлюще будут. Да возвестят, яко прав Господь Бог наш, и несть неправды в Нем.

Псалом 92:

Господь воцарися, в лепоту облечеса: облечеса Господь в силу и препоясася, ибо утверди вселенную, яже не подвижится. Готов Престол Твой оттоле: от века Ты еси. Воздвигбша реки, Господи, воздвигбша реки гласы своя; возмут реки сотрения своя, от гласов вод многих. Дивны высоты морския, дивен в высоких Господь. Свидения Твоя уверишася зело, дому Твоему подобаet святыня, Господи, в долготу дней.

Псалом 93:

Бог отмщений Господь, Бог отмщений не обинулся есть. Вознесися судяй земли, воздаждь воздаяние гордым. Докóле грешницы, Гóсподи, докóле грешницы восхвалятсѧ Провещают и возглабóлют неправду, возглабóлют всѧ дѣлающии беззакóние Люди Твоя, Гóсподи, смириша и достояние Твое озлóбиша; вдовицу и сира умориша и пришельца убиша, и рѣша: не узрит Господь, ниже уразумеет Бог Иаковль. Разумейте же безумнии в людех и буи некогда умудритесь. Насаждей ухо, не слышит ли Или создавый око, не смотрѧет ли Наказуяй языки, не обличит ли, учай человека разуму Господь вѣсть помышления человеческая, яко суть суетна. Блажен человек, егóже аще накажеша, Гóсподи, и от закона Твоего научиши его, укротити его от дней лютых, дóндеже изрыетсѧ грешному яма. Яко не отринет Господь людей Своих, и достояния Своего не оставит, дóндеже правда обратитсѧ на суд, и держащиися ея всѧ правии сердцем. Кто востанет ми на лукавнующыя Или кто спредстанет ми на дѣлающыя беззакóние Аще не Господь помог бы ми, в мале вселилася бы во ад душа моя. Аще глаголах, подвижесѧ нога моя, милость Твоя, Гóсподи, помогаша ми. По множеству болезней моих в сердце моем, утешения Твоя возвеселиша душу мою. Да не прибудет Тебе престол беззакония, созидаяй труд на повеление. Уловят на душу праведнича, и кровь неповинную осудят. И бысть мне Господь в прибежище, и Бог мой в помощь упования моего. И воздаст им Господь беззаконие их и по лукавствию их погубит я Господь Бог.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Гóсподи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 94:

Приидите, возрадуемся Господеви, воскликнем Богу, спасителю нашему: предварим лице Его во исповедании, и во псалмех воскликнем Ему. Яко Бог велий Господь, и Царь велий по всей земли, яко в руке Его всѧ концы земли, и высоты гор Того суть. Яко Того есть море, и Той сотвори е, и сушу руке Его создасте. Приидите, поклонимся и припадѣм Ему, и восплачемся пред Господем сотворшим нас: яко Той есть Бог наш, и мы людие пажити Его, и овцы руки Его. Днесь аще глас Его услышите, не ожесточите сердец ваших, яко в прогневании, по дни искушения в пустыни, вонже искусиша Мя отцы ваши, искусиша Мя, и видеша дела Моя. Четырдесят лет негодовах рода того, и рех, присно заблуждают сердцем, тии же не познаша путей Моих, яко кляхся во гневе Моём, аще внидут в покой Мой.

Псалом 95:

Воспойте Господеви песнь нову, воспойте Господеви вся земля, воспойте Господеви, благословите имя Его, благовестите день от дне спасение Его.

Возвестите во языцех славу Его, во всех людех чудеса Его. Яко велий Господь и хвален зело, страшен есть над всеми боги. Яко вси боги язык бесове: Господь же небеса сотвори. Исповедание и красота пред Ним, святыня и великолепие во святиле Его. Принесите Господеву отечества язык, принесите Господеву славу и честь. Принесите Господеву славу имени Его, возьмите жертвы, и входите во дворы Его. Поклонитесь Господеву во дворе святем Его, да подвижится от лица Его вся земля. Рцыте во языцех, яко Господь воцарися, ибо исправи вселенную, яже не подвижится: судит людем правостию. Да возвеселятся небеса, и радуется земля, да подвижится море и исполнение его. Возрадуются поля, и вся яже на них: тогда возрадуются вся древа дубравная от лица Господня, яко грядет, яко грядет судити земли, судити вселенней в правду, и людем истиною Своею.

Псалом 96:

Господь воцарися, да радуется земля, да веселятся острова мнози. Облак и мрак окрест Его, правда и судьба исправление Престола Его. Огнь пред Ним предидет, и попалит окрест враги Его. Осветиша молния Его вселенную: виде, и подвижется земля. Горы яко воск растаяша от лица Господня, от лица Господа вся земля. Возвестиша небеса правду Его, и видеша вси людие славу Его. Да постыдятся вси кланяющиеся истуканным, хвалящиеся о идолах своих; поклонитесь Ему вси Ангели Его. Слыша и возвеселися Сион, и возрадовашася дщери Иудейския, судеб ради Твоих, Господи, яко Ты Господь вышний над всею землею, зело превознеслся еси над всеми боги. Любящи Господа, ненавидите злая, хранит Господь души преподобных Своих, из руки грешници избавит я. Свет возсия праведнику, и правым сердцем веселие. Веселитесь, праведнии, о Господе и исповедайте память Святыни Его.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 97:

Воспойте Господеву песнь нову, яко дивна сотвори Господь: спасе Его десница Его, и мышца святая Его. Сказа Господь спасение Свое, пред языки откры правду Свою. Помяну милость Свою Иакову, и истину Свою дому Израилеву, видеша вси концы земли спасение Бога нашего. Воскликните Богу вся земля, воспойте, и радуйтесь, и пойте. Пойте Господеву в гуслах, в гуслах и гласе псаломсте. В трубах кованых и гласом трубы рожаны вострубите пред Царем Господем. Да подвижится море и исполнение его, вселенная и вси живущии на ней. Реки воспещут рукою вкупе, горы возрадуются от лица Господня, яко грядет, яко идет судити земли, судити вселенней в правду, и людем правостию.

Псалом 98:

Господь воцарися, да гневаются людие: Седяй на Херувимех, да подвижится земля. Господь в Сионе велик, и высок есть над всеми людьми. Да исповедятся имени Твоему великому, яко страшно и свято есть. И честь царева суд любит; Ты уготовал еси правоты, суд и правду во Иакове Ты сотворил еси. Возносите Господа Бога нашего, и поклоняйтесь подножию ногу Его, яко свято есть. Моисей и Аарон во иереех Его, и Самуил в призывающих имя Его: призываху Господа, и Той послушаше их. В столпе облачне глаголаше к ним: яко храняху свидения Его и повеления Его, яже даде им. Господи Боже наш, Ты послушал еси их: Боже, ты милостив бывал еси им, и мщяя на вся начинания их. Возносите Господа Бога нашего, и поклоняйтесь в горé святэй Его, яко Свят Господь Бог наш.

Псалом 99:

Воскликните Бóгови вся земля, работайте Господеву в веселии, внидите пред Ним в радости. Уведите, яко Господь той есть Бог наш: Той сотвори нас, а не мы, мы же людие Его и овцы пажити Его. Внидите во врата Его во исповедании, во дворы Его в пениих: исповедайтесь Ему, хвалите имя Его. Яко блáг Господь, в вéк милость Его, и да́же до рóда и рóда истина Его.

Псалом 100:

Милость и суд воспою Тебе, Господи. Пою и разумю в пути непорочно, когда прийдеси ко мне Прехождя в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от Мене лукаваго не познах. Оклеветавшаго тай искреняго своего, сего изгонях: гордым оком, и несытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.
Чтец: Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Ектенія малая:

Диáкон: Паки и паки миром Господу помóлимся.

Хор: Господи, помилуй.

Диáкон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диáкон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Амѣнь.

Седален по 1-м стихословию Преподобного Моисея, Глас 4:

Подобен: Скоро предвари:

Красотѣ лица твоего враг всезлѣбный завидя, / да благолѣпие душевное лѣстиво окрадет, / обложитъ страстьми умъ женѣ беззаконней, / яже всякими лѣстьми тщашеся поколебати тя, преподобне, / но ты, разумевъ того козни, яко другий Иосифъ, извинулъ еси отъ рукъ любодѣйцы / и обою соблюлъ еси красоту неврежденну. / Сего убо ради наслаждаешися нынѣ на Небеси красоты Троицы Единосущныя. **(Дважды)**

Слава Отцу и Сыну и Святому Духу и нынѣ и присно и во веки вековъ. Амѣнь.

Богородичен: Скоро твой покровъ и предстательство, / неисчетную же благодать и милосердие, Чистая, вси грешнии видевше, / притекаютъ и покаяния цельбу приемлютъ, / азъ же, вся сия презревъ, окаянный, / единъ отщетихъся Твоея помощи, / убо прочее призови мя къ Твоей благодати и ловитву мя губителю не покажи, / но припадающа мя, Владычице, прими / и на путь покаяния настави.

Господи, помилуй. **(Трижды)**

Слава Отцу и Сыну и Святому Духу.

Чтец: И нынѣ и присно и во веки вековъ. Амѣнь.

Кафизма четвертаянадесять

Псалом 101:

Господи, услыши молитву мою, и вопль мой къ Тебѣ да придетъ. Не отврати лица Твоего отъ Мене: вонъже аще день скорблю, приклони ко мнѣ ухо Твое: вонъже аще день призову Тя, скоро услыши мя. Яко исчезоша яко дымъ днии мои, и кости моя яко сушило сохощася. Уязвенъ быхъ яко трава, и исше сердце мое, яко забыхъ снести хлѣбъ мой. Отъ гласа въздыханія моего прильпе кость моя плоти моему. Уподобихъся неясоти пустынной, быхъ яко ночный вранъ на нырищи. Бдѣхъ и быхъ яко птица осбѣщаяся на здѣ. Весь день поношаху ми врази мои, и хвалящии мя мною кленяхуся. Зане пепелъ яко хлѣбъ ядяхъ, и питиѣ мое с плачемъ растворяхъ. Отъ лица гнѣва Твоего и ярости Твоея: яко вознесъ низверглъ мя еси. Днии мои яко сѣнь уклонишася, и азъ яко сѣно иссохъ. Ты же, Господи, во векъ пребываеши, и память Твоя в родъ и родъ. Ты воскресъ ущедриши Сиона, яко время ущедрити его, яко прииде время: яко благоволиша раби Твоя камене его, и персть его ущедрятъ. И убоятся языцы имене Господня, и вси царие зѣмстии славы Твоея. Яко созиждетъ Господь Сиона, и явится во славу Своею. Призри на молитву смиренныхъ, и не уничижи молѣния ихъ. Да напишется сие в родъ ѣн, и людие зиждемии восхвалятъ Господа, яко приниче с высоты святыя Своея, Господь с небесе на зѣмлю призри, услышати въздыханіе окованныхъ, разрешити сыны умерщвленныхъ, возвестити в Сионе имя Господне, и хвалу Его во Иерусалиме. Внегда собратися людемъ вкупе, и царемъ, еже работати Господеву. Отвѣща ему на пути крепости его: умалѣние дней моихъ возвести ми. Не возведи мене в преполовѣние дней моихъ: в родѣ родовъ лета Твоя. В началехъ Ты, Господи, зѣмлю основалъ еси, и дела руку Твоею суть

небеса. Та погібнут, Ты же пребываеши: и вся, яко риза обетшают, и яко одѣжду свиеши я и изменятя. Ты же тойжде еси, и лета Твоя не оскудеют. Сынове раб Твоих вселятся, и семя их во век исправится.

Псалом 102:

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказав пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 103:

Благослови, душе моя, Господа. Господи, Боже мой, возвеличился еси зело, во исповедание и в велелепоту облечлся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаая облаки на восхождение Свое, ходяй на крилу ветреню. Твори Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, ебоже не прейдут, ниже обратятя покрыти землю. Посылаяй источники в дебрех, посреде гор пройдут воды. Напаяют вся звери сельныя, ждуть онагри в жажду свою. На тях птицы небесныя привитают, от среды каменія дадят глас.

Напаяя горы от превыспренних Своих, от плода дел Твоих насытится земля. Прозябая траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабль преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновishi лице земли. Буди слава Господня во веки, возвеселится Господь о делах Своих, призирая на землю, и творя ю трястися, прикасайся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 104:

Исповедаетесь Господеву, и призывайте имя Его, возвестите во языцех дела Его. Воспойте Ему и пойте Ему, поведите вся чудеса Его. Хвалитесь о имени святем Его, да возвеселится сердце ищущих Господа. Взыщите Господа, и утвердитесь, взыщите лица Его выину. Помяните чудеса Его, яже сотвори, чудеса Его, и судьбы уст Его. Семя Авраамле раби Его, сынове Иаковли избраннии Его. Той Господь Бог наш, по всей земли судьбы Его. Помяну в век завет Свой, слово, еже заповеда в тысящы родов, еже завета Аврааму, и клятву Свою Исааку. И постави ю Иакову в повеление, и Израилю в завет вечен, глаголя: тебе дам землю Ханааню, уже достояния вашего, вегда быти им малым числом, малейшим и пришельцем в ней. И преидоша от языка в язык, и от царствия в люди ины. Не остави человека обидети их, и обличи о них царя. Не прикасайтесь помазанным Моим, и во пророцех Моих не лукавните. И призва глэд на землю, всяко утвержение хлебное сотры. Посла пред ними человека: в раба продан бысть Иосиф. Смирisha во оковах нозе его, железом пройде душа его, дондеже прииде слово Его, слово Господне разжже его. Посла

царь и разреши его: князь людей, и остави его. Постави его господина дому своему, и князя всему стяжанию своему, наказати князи его яко себе, и старцы его умудрити. И вниде Израиль во Египет, и Иаков пришельствова в землю Хамову. И возрасти люди своя зело, и укрепил я паче врагов их. Преврати сердце их возненавидети люди Его, леств сотворити в рабах Его. Посла Моисеа раба Своего, Аарона, егже избра Себе. Положи в них словеса знамений Своих, и чудес Своих в земли Хамове. Посла тму и помрачи, яко преогорчиша словеса Его. Преложил воды их в кровь, и измори рыбы их. Воскипе земля их жабами в сокровищницах царей их. Рече, и приидоша песия мухи, и скнипы во вся пределы их. Положил дожди их грады, огнь поपालяющ в земли их, и порази винограды их и смоквы их, и сотры всякое древо предел их. Рече, и приидоша пружи и гусеницы, имже не бе числа. И сведоша всяку траву в земли их, и поядоша всяк плод земли их. И порази всякаго первенца в земли их, начаток всякаго труда их, и изведе я с серебром и златом, и не бе в коленах их боляй. Возвеселися Египет во исхождении их, яко нападеш страх их на ня. Распростреш облак в покров им и огнь, еже просветити им нощию. Просиша и приидоша крастели, и хлеба небснаго насыти я, разверзе камень и потекоша воды, потекоша в безводных реки, яко помяну слово святое Свое, еже ко Аврааму, рабу Своему. И изведе люди Своя в радости, и избранныя Своя в веселии. И даде им страны язык, и труды людей наследоваша, яко да сохранят оправдания Его и закона Его взыщут.

Чтец: Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Седален по 2-м стихословию Преподобнаго Моисея, Глас 4:

Подобен: Явился еси:

Терпению и мужеству твоему, преподобне, почудишася вся ангельская ликостояния, / како, огнем страсти любодеяния обложен сый, / от жены скверныя не опалился еси, ни хотению тоя повинулся еси, / огнем бо любве Божия разжжено сердце имея, пламень страсти погасил еси. *(Дважды)*
Слава Отцу и Сыну и Святому Духу и ныне и присно и во веки веков. Аминь.

Богородичен: Скоро предста́ни в по́мощь нам, Пречи́стая Влады́чице,/ врази́ бо воста́ша на ны, борю́щиеся с на́ми день и но́щь,/ и се, побежда́еми, покро́ва не има́мы, иде́же убегну́ти рук губи́телей,/ Тебе́ мо́лимся, я́ко Бо́жией Ма́тери,/ прости́ крѣпкую Свою́ десни́цу и порази́ их си́лою Твое́ю, нас же неврежда́ены сохрани́,/ да прино́сим Тебе́ а́нгельское воспева́ние:/ ра́дуйся, Обра́дованная, Госпо́дь с Тобо́ю.

Полиелѣй:

Хор: Хвали́те Имя Госпо́дне, хвали́те, раби́ Го́спода.

Аллилу́иа, аллилу́иа, аллилу́иа.

Благослове́н Госпо́дь от Сио́на, живы́й во Иерусали́ме.

Аллилу́иа, аллилу́иа, аллилу́иа.

Исповеда́йтесь Го́сподеви, я́ко Благ, я́ко в век ми́лость Его́.

Аллилу́иа, аллилу́иа, аллилу́иа.

Исповеда́йтесь Бо́гу Небе́сному, я́ко в век ми́лость Его́.

Аллилу́иа, аллилу́иа, аллилу́иа.

Величание Преподобнаго Моисея:

Духовенство Ублажа́ем тя, / преподо́бне о́тче Моисее, / и чте́м святу́ю па́мь твою́, / наста́вниче мона́хов // и собесѣ́дниче а́нгелов.

Хор: Ублажа́ем тя, / преподо́бне о́тче Моисее, / и чте́м святу́ю па́мь твою́, / наста́вниче мона́хов // и собесѣ́дниче а́нгелов.

Псалом избранный:

Хор: Терпя́, потерпе́х Го́спода, и внят ми, и услы́ша моли́тву мою́. / Поста́ви на ка́мени но́зе мои́ и испра́ви стопы́ моя́. / Се удали́хся, бе́гая, и водвори́хся в пусты́ни. / Уподобихся неясы́ти пусты́нней. / Бдех и бых, я́ко пти́ца, осб́ящаяся на зде. / Колѣ́на моя́ изнемогоста́ от поста́, / и плоть моя́ измени́ся е́лея ра́ди. / Предзрѣ́х Го́спода пре́до мно́ю вы́ну, я́ко одесну́ю мене́ есть, да не подви́жуся. / В си́ язы́цы обыдо́ша мя, и Именем Госпо́дним противля́хся им. / Благослове́н Госпо́дь, Иже не даде́ нас в лови́тву зубо́м их. / Храни́т Госпо́дь ду́ши преподо́бных Свои́х. / Восхва́лятся преподо́бнии во сла́ве и возра́дуются на ло́жах свои́х. / Честна́ пред Го́сподем смерть преподо́бных Его́. / По́йте Го́сподеви, преподо́бнии Его́, и исповеда́йте па́мь святы́ни Его́, во всех лю́дех чудеса́ Его́.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, // сла́ва Тебе́, Бо́же. (Дважды)

Духовенство Аллилу́иа, аллилу́иа, аллилу́иа, // сла́ва Тебе́, Бо́же. (Единожды)

Духовенство Ублажа́ем тя, / преподо́бне о́тче Моисее, / и чте́м святу́ю па́мь твою́, / наста́вниче мона́хов // и собесѣ́дниче а́нгелов.

Ектенія ма́лая:

Диа́кон: Па́ки и па́ки ми́ром Го́споду помóлимся.

Хор: Го́споди, поми́луй.

Диакон: Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Пресвятую, Пречистую, Препоблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу́ Бóгу предадим.

Хор: Тебé, Гóсподи.

Иерей: Яко Благословися Имя Твое, и прославися Цáрство Твое, Отца́ и Сына́ и Свята́го Духа ны́не и прísно и во ве́ки веко́в.

Хор: Амíнь.

Седален по полиелеи Преподобнаго Моисея , Глас 5:

Подобен: Собезначальное Слово:

Дóбляго страда́льца и непреоборíмага воина, / иночествующих похвалу́ и чистоты́ рачíтеля, / богонóснаго отца́ на́шего Моисея́, приидíte, лю́дие, пёсньми воспóйм, / похваля́юще Бóга, укрепля́ющаго рабы́ Своя́ и дающаго побéду на ви́димыя и неви́димыя враги́; / Того́ бо пóмоцию сей препоя́сався, / победí вся полки́ миродéржца, / и ны́не, в Небéсных селéниях Престо́лу Влады́чню предстои́, / мо́лит и нам от всех прило́гов вра́жиих и того́ искуше́ний свободи́тися. *(Дважды)*

Сла́ва Отцу́ и Сы́ну и Свято́му Духу́ и ны́не и прísно и во ве́ки веко́в. Амíнь.

Пречíстая Влады́чице, всея́ тва́ри Честне́йшая, / не отврати́ лица́ Твоего́, но приими́ моли́твы раб Твои́х, / притека́ющих днесь в пречестный́ храм Твой и поклоня́ющихся пречíстому о́бразу Твоему́: / простри́ пресвяте́и ру́це, и́миже Творца́ всех носила́ еси́, / умоли́ Того́, яко́ Человеколю́биваго Влады́ку, / да препоя́шет нас си́лою Своею́ свы́ше, / о не́йже победíвши вся воста́ющия на ны́, / возвели́чим, Благая́, Твое́ ско́рое предста́тельство и заступле́ние.

Степéнна, глас 4:

1 Антифо́н:

Хор: От юности́ моея́ / мно́зи бо́рют мя стра́сти, / но Сам мя заступи́ // и спаси́, Спа́се мой.

Ненави́дящии Си́она, / посрамите́ся от Гóспода, / яко́ трава́ бо огнём // бу́дете изсо́хше.

Сла́ва Отцу́ и Сы́ну и Свято́му Духу́ и ны́не и прísно и во ве́ки веко́в. Амíнь.

Святы́м Духом / вся́ка душа́ живи́тся, / и чистото́ю возвыша́ется, // светле́ется Трóйческим еди́нством, священнота́йне.

Прокíмен и чтéние Ева́нгелия:

Диакон: Вонмем. Премудрость вонмем, прокимен, глас четвёртый:

Честна́ пред Гóсподем / смерть преподóбных Его́.

Хор: Честна́ пред Гóсподем / смерть преподóбных Его́.

Диакон: Что́ возда́м Гóсподеви о всех, я́же воздаде́ ми?

Хор: Честна́ пред Гóсподем / смерть преподóбных Его́.

Диакон: Честна́ пред Гóсподем

Хор: смерть преподобных Его.

Диакон: Господу помоллимся.

Хор: Господи, помилуй.

Иерей: Яко Свят еси Боже наш, и во святых почиваеши, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Всякое дыхание да хвалит Господа.

Хор: Всякое дыхание да хвалит Господа.

Диакон: Хвалите Бога во святых Его, хвалите Его во утвержении силы Его.

Хор: Всякое дыхание да хвалит Господа.

Диакон: Всякое дыхание.

Хор: Да хвалит Господа.

Диакон: И о сподобится нам слышанию Святаго Евангелия, Господа Бога молим.

Хор: Господи, помилуй. *(Трижды)*

Диакон: Премудрость, прости, услышим Святаго Евангелия.

Иерей: Мир всем.

Хор: И духови твоему.

Иерей: От Матфея Святаго Евангелия чтение.

Хор: Слава, Тебе, Господи, слава Тебе.

Диакон: Вонмем.

(зачало 43., Мф.11:27-30)

Иерей: Рече Господь Своим учеником: вся Мне предана суть Отцем Моим, и никтоже знает Сына, токмо Отец, ни Отца кто знает, токмо Сын, и емуже аще волит Сын открыти. Приидите ко Мне вси труждающиеся и обремененнии, и аз упокою вы. Возмите иго Моё на себе, и научитесь от Мене, яко кроток есмь и смирен сердцем, и обрящете покой душам вашим. Иго бо Моё благо, и бремя Моё легко есть.

Хор: Слава, Тебе, Господи, слава Тебе.

Псалом 50:

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не

благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожгаемая: тогда возложат на олтарь Твой тельцы.

Глас 6:

Хор: Слава Отцу и Сыну и Святому Духу./

Молитвами Преподобного Моисея,/ Милостиве, очисти// множество согрешений наших.

И ныне и присно и во веки веков. Аминь./

Молитвами Богородицы,/ Милостиве, очисти// множество согрешений наших.

Помилуй мя, Боже,/ по велицей милости Твоей,/ и по множеству щедрот Твоих// очисти беззаконие мое.

Стихира, Глас 6

Приидите, празднлюбных собори,/ духовный лик составльше,/ память богоноснаго отца нашего Моисея, крепкаго страдальца,/ в летнем торжестве восхвалим;/ той бо на невидимаго врага,/ нечистыми страстьми запяти чистоте его хотящаго, крепко подвизася/ и чистоты ради много пострада,/ упование же имый к Богу, венценосец показася,/ и ныне предстоя Святей Троице,/ молился о душах наших.

Диакон: Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, представительства честных Небесных Сил безплотных, честнаго, славнаго пророчка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отец нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михаила, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Ермогена и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Российских: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтскаго и Алексия Московскаго, святых блаженных Ксении Петербургския и Матроны Московския, святых и праведных богоотец Иоакима и Анны (и святого имярек, егоже есть храм и егоже есть день) , и всех святых. Молим Тя, многомилостиве Господи, услыши нас, грешных, молящихся Тебе, и помилуй нас.

Хор: Господи, помилуй. (12 раз)

Иерей: Милостию и щедротами и человеколюбием единороднаго Твоего Сына, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

Хор: Аминь.

КАНОН(6-8):

Песнь 1:

Канон Богородичен из минеи Преподобнаго Моисея(на 6), Глас 8:

Ирмос: *Воду прошед, яко сушу,/ и египетскаго зла избежав,/ израильтянин вопиаше:/ Избавителю и Богу нашему поим. (Дважды)*

Припев: Пресвятая Богородице, спаси нас.

Тропарь: Многими содержим напастями,/ к Тебе прибегаю, спасения иский:/ о Мати Слова и Дево, от тяжких и лютых мя спаси.

Припев: Пресвятая Богородице, спаси нас.

Тропарь: Стростей мя смущают прилози,/ многого уныния исполнити мою душу,/ умири, Отроковице, тишиною Сына и Бога Твоего, Всенепорочная.

Припев: Пресвятая Богородице, спаси нас.

Тропарь: Спаса рождшую Тя и Бога,/ молю, Дево, избавитися ми лютых,/ к Тебе бо ныне прибегаю, простираю и душу, и помышление.

Припев: Пресвятая Богородице, спаси нас.

Тропарь: Недугующа телом и душею,/ посещения Божественнаго и промысления от Тебе сподоби, едина Богомати,/ яко Благая, Благого же Родительнице.

Канон Преподобнаго Моисея(На 8), Глас 2:

Припев: Преподобне отче Моисее, моли Бога о нас.

Тропарь: Грядите, людие, принесем хваление Богу, прославляющему угодника Своего/ и показавшему того во всех искушениях непреодоленна,/ и воспоем Ему песнь: славно прославися. (Дважды)

Припев: Преподобне отче Моисее, моли Бога о нас.

Тропарь: Навед враг всезлбный на господина твоего, блаженного князя Бориса,/ смерть окаянным братоубийцею,/ и тебе с ним восхоте погубити,/ но ты, спасен от злых, воспел еси:/ слава Богу о всем, буди Имя Господне благословенно. (Дважды)

Припев: Преподобне отче Моисее, моли Бога о нас.

Тропарь: Рукю Божиею спасен быв от смерти,/ пришел еси в Киев к Предиславе, сестре Ярославли,/ идеже жалостию по господине своем одержим, сказал еси о нем вся, елико пострадал,/ аки агнец безгласен, не противяся предаде себе в руке ищущих его крове, и пел еси:/ Бог наш славно прославися.

(Дважды)

Слава Отцу и Сыну и Святому Духу.

Время некое страха ради сокрылся еси, преподобне, человеческое по себе показуя,/ дондеже откры ты Господь, аки светило, всем тесный путь текущим во образ,/ егоже многими искушениями чист соблюл еси, поя:/ Боже мой, в немощней плоти моей славно прославися.

И ныне и присно и во веки веков. Аминь.

Богородичен: Вся могущая о Бозе, Царице,/ предстани скоро мольбу Тебе приносящим и виждь,/ колико воста на ны душеубийцы,/ ихже стрелами силы Твоея до конца погуби,/ да непрестанно Тебе вопием:/ яко велико и страшно врагом нашим имя Твое, славно прославися.

Катавасия , Глас 4:

Ирмос: *Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя, // и воспою радуясь Тоя чудеса.*

Песнь 3:

Канон Богородичен из минеи Преподобного Моисея(на 6) , Глас 8:

Ирмос: *Небеснаго круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ Едины Человеколюбче. (Дважды)*

Припев: *Пресвятая Богородице, спаси нас.*

Тропарь: *Предстательство и покров жизни моей полагаю Тя, Богородительнице Дево,/ Ты мя окорми ко пристанищу Твоему,/ благих виновна, верных утверждение, едины Всепетая.*

Припев: *Пресвятая Богородице, спаси нас.*

Тропарь: *Молю, Дево, душевное смущение и печали моей бурю разорити:/ Ты бо, Богоневестная, Начальника тишины – Христа родила еси,/ едины Пречистая.*

Припев: *Пресвятая Богородице, спаси нас.*

Тропарь: *Благодетеля рождши, добрых виновнаго,/ благодения богатство всем источи:/ вся бо можеша, яко сильного в крепости Христа рождши, Богоблаженная.*

Припев: *Пресвятая Богородице, спаси нас.*

Тропарь: *Лютыми недуги и болезненными страстьми истязаему, Дево,/ Ты ми помози:/ исцелений бо неоскудное Ты знаю сокровище, Пренепорочная, неизживаемое.*

Канон Преподобного Моисея(На 8), Глас 2:

Припев: *Преподобне отче Моисее, моли Бога о нас.*

Тропарь: *На твердем камени веры душевная чувства твоя утвердив, шел еси в плен,/ упование имея на Единого, тяжчайшие раны и крест претерпевшаго Иисуса,/ яко Той избавит тя от сети ловца;/ темже на всяком месте пел еси:/ несть праведен, паче Тебе, Господи. (Дважды)*

Припев: *Преподобне отче Моисее, моли Бога о нас.*

Тропарь: *Тяжкими по руку и по ногу обложен железы/ и пятолетнюю прежде подъем тесноту,/ не разбился еси умом, но, несвязан имеяй язык,/ о всех приключшихся на местах благодарил еси Бога, поя:/ праведно вся сия навел еси на мя,/ несть бо праведника, паче Тебе, Господи. (Дважды)*

Припев: *Преподобне отче Моисее, моли Бога о нас.*

Тропарь: *Красна ты лицом, светлейша же душею видящи во узах,/ некая юна от благородных жен вдовица/ стрелюю любви твоея уязвися и прельщаша ты много, святе;/ ты же ей отвещал еси:/ никакоже воли твоей повинуся,/ яко Бог избови тако, Емуже пою:/ несть праведен, паче Тебе, Господи.*

Припев: *Преподобне отче Моисее, моли Бога о нас.*

Тропарь: *Красоте твоей телесней, наипаче же целомудренным словесем любодейца чудящися,/ множицею покушашеся ласкательными своими словесы уловити тя,/ но ты, блаженне, твердейший имеяй разум, мудре*

глаго́лал еси́:/ кто, когда́, послу́шав жены́, спасе́ся?/ И взыва́л еси́ к Бо́гу: спаси́ мя, Бо́же, от напа́сти сея́,/ несть бо пра́веден, па́че Тебе́, Го́споди.

Сла́ва Отцу́ и Сы́ну и Свято́му Ду́ху.

Мно́жицею прельще́нии належа́щей женé скве́рней, мно́жицею отвеча́вал еси́:/ иску́плен сый кро́вию Христа́ моего́,/ ника́коже раб женé безсту́дней сотворю́ся,/ ея́же не позна́х от рожде́ния моего́, и не бу́ди ми погуби́ти труда́ во у́зах сих,/ ихже ра́ди упова́ю избы́ти ве́чных уз, а́ще пребу́ду та́ко, терпя́ и благода́рне поя́:/ несть пра́веден, па́че Тебе́, Го́споди.

И ны́не и при́сно и во ве́ки веко́в. Ами́нь.

Богоро́дичен: Плені́цами лю́тых грехопаде́ний от врага́ мя уловле́нна/ и в темни́це омраче́ния у́мнаго затворе́нна ви́дящи, Влады́чице,/ разреши́ вско́ре Твои́м предста́тельством,/ луча́ми же благосе́рдия Твоего́ просвети́ ум мой и обрати́ пе́ти:/ несть ины́я скорей́шия в по́мощь, ра́зве Тебе́, Святе́йшая Мари́е Де́во.

Катавасія , Глас 4:

Ирмос: *Твоя́ песносло́вцы, Богоро́дице,/ живы́й и незави́стный Исто́чнице,/ ли́к себе́ совоку́пльшыя духо́вно утверди́/ в Боже́ственной Твое́й сла́ве, // венце́в сла́вы сподо́би.*

Ектенія ма́лая:

Диакон: Па́ки и па́ки ми́ром Го́споду помóлимся.

Хор: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христа́́ Бо́гу преда́дим.

Хор: Тебе́, Го́споди.

Иерей: Я́ко Ты еси́ Бог наш, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Хор: Ами́нь.

Седален Преподобнаго Моисея , Глас 5:

Огнём красotý твоея́ любодей́ца вы́ну опаля́ющися, на лука́вый сове́т устремі́ся,/ помы́сли бо, а́ще ты ценóю у плені́вшаго иску́пит,/ удо́бь во́ли свое́й преклоні́ти возмо́жет;/ ты же, преподо́бне, имы́й страх Бо́жий в се́рдце, непреста́нно взыва́л еси́:/ спаси́ мя, Бо́же, от такова́го неистовства́,/ к Тебе́ бо, Влады́це моему́, прибега́ю. *(Дважды)*

С ла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Богородичен: Огнь Боже́ственный неопáльно в пречи́стое чре́во приёмшая,/ огнём мя страсте́й вы́ну пали́ма,/ ороси́ понé ка́плею благода́ти Твоея́, Госпоже́, да непреста́нно пою́:/ спаси́ мя, я́ко к Тебе́, Влады́чице моя́, прибега́ю.

Песнь 4:

Канон Богородичен из минеи Преподобнаго Моисея(на 6), Глас 8:

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество. (Дважды)

Припев: Пресвятая Богородице, спаси нас.

Тропарь: Страстей моих смущение, кормчию рождая Господа, / и бурю утиши моих прегрешений, Богоневестная.

Припев: Пресвятая Богородице, спаси нас.

Тропарь: Милосердия Твоего бездну призывающую подаждь ми, / яже Благосердаго рождая и Спаса всех поющих Тя.

Припев: Пресвятая Богородице, спаси нас.

Тропарь: Наслаждающесея, Пречистая, Твоих дарований, / благодарственное воспеваем пение, / ведуще Тя Богоматерь.

Припев: Пресвятая Богородице, спаси нас.

Тропарь: Надежду, и утверждение, и спасения стелу недвижиму / имуще Тя, Всепетая, / неудобства всякаго избавляемсея.

Канон Преподобнаго Моисея(На 8), Глас 2:

Припев: Преподобне отче Моисее, моли Бога о нас.

Тропарь: Пришедши жена, страстию пленена, к пленившему ты, блаженне, даде цену за ты / и, поемши, разреши, хотящи греховными узы связати душу твою, / но ты, крестом себе оградив, шел еси в дом той, псаломски поя: / аще пойду посреде сени смертных, не убоюсь зла, яко со мною Бог, / Егоже силе слава буди. (Дважды)

Припев: Преподобне отче Моисее, моли Бога о нас.

Тропарь: Владыце твоему уподобился еси, / якоже бо Того, купивше, иудее на страсть готовяху, / тако и тебе скверная любодейца готовяше, / аще души твоея не уранит страстьми, то тело страданием обложит. / Ты же лучше телом избвлил еси страдати, нежели душею, поя: / слава силе Твоей, Господи.

(Дважды)

Припев: Преподобне отче Моисее, моли Бога о нас.

Тропарь: Разжжения страстного в теле твоём да не ощутиши, / всякую сластную пищу и мягкия ризы отринул еси от Тебе, / вместо же оных в пост и молитву облел еси себе, / изволяя хлеб сух и воду с чистотою, / нежели различная брашна и вино со скверною ясти, / и, не побежден быв от врага, пел еси: / слава силе Твоей, Господи.

Припев: Преподобне отче Моисее, моли Бога о нас.

Тропарь: Второго Иосифа видите, братие, / якоже бо той, оставль ризу в руку любодейцы, бежа греха, / тако и сей, красоты риз себе обнажив, / избежа от руки, влекущая его к скверному смешению, / и сим посрами невидимаго врага, хотящаго душу и тело страдальца осквернити, / но ничтоже успе, пояше бо: / слава силе Твоей, Господи.

Слава Отцу и Сыну и Святому Духу.

Вторую египтянину обрет, враг покушашесе блаженного уловити, / не терпяше бо сердечныя чистоты, ни доброты лица зрети, / ейже и Ангели дивляхуся, зовуще: / слава силе Твоей, Господи.

И ныне и присно и во веки веков. Аминь.

Богородичен: Доброты Твоея вожделев, Царь Вышний, / Советом Отчим и осенением Пресвятаго Духа, / яко дождь на руно, сниде в пречистое чрево Твое, Дево. / Падшую доброту ума моего возстави паки, Владычице, да пою Ти непрестанно: / слава силе Твоей, Госпоже Богородице.

Катавасия, Глас 4:

Ирмос: Седяй в славе / на Престоле Божества, / во облаце легце / прииде Иисус Пребожественный, / нетленную дланию, и спасе зовущыя: // слава, Христэ, силе Твоей.

Песнь 5:

Канон Богородичен из минеи Преподобнаго Моисея (на 6), Глас 8:

Ирмос: Просвети нас повелению Твоими, Господи, / и мышцею Твоею высокою / Твой мир подаждь нам, / Человеколюбче. (Дважды)

Припев: Пресвятая Богородице, спаси нас.

Тропарь: Исполни, Чистая, веселия сердце мое, / Твою нетленную дающи радость, / веселия рождающая Виновнаго.

Припев: Пресвятая Богородице, спаси нас.

Тропарь: Избави нас от бед, Богородице Чистая, / вечное рождающая избавление / и мир, всяк ум преимуший.

Припев: Пресвятая Богородице, спаси нас.

Тропарь: Разреши мглу прегрешений моих, Богоневесто, / просвещением Твоея светлости, / Свет рождающая Божественный и превечный.

Припев: Пресвятая Богородице, спаси нас.

Тропарь: Исцели, Чистая, души моя неможение, / посещения Твоего сподобльшая, / и здравие молитвами Твоими подаждь ми.

Канон Преподобнаго Моисея (на 8), Глас 2:

Припев: Преподобне отче Моисее, моли Бога о нас.

Тропарь: Света мысленнаго лишити ты безумная не возмогши, / чувственный покусися отъяти, преподобне, / темже вверже ты в мрачную темницу, идеже гладом и жаждою моряше ты, ты же взывал еси: / Боже мой, не остави мене, разве бо Тебе иного не знаю. (Дважды)

Припев: Преподобне отче Моисее, моли Бога о нас.

Тропарь: Иже Илию и Павла Фивейскаго препитаемый иногда в пустыни, / Той и на тебе удивил Свою милость, / преклони бо Он единого раба жены тоя на милосердие / и повеле питати ты тайно, / ты же, аки посещение Божие быти вменяя, взывал еси: / кроме Тебе, иного Бога не знаю. (Дважды)

Припев: Преподобне отче Моисее, моли Бога о нас.

Тропарь: Мнози, неведуще в тебе, святе, действуемая Божия благодати, / увещаваху ты, да повинешися воли госпожи твоея / и будеши господин той и всему имению ея. / Ты же вся сия презрел еси, любве ради Божия, глаголя: / кроме тоя, не хочу инья познати.

Припев: Преподобне отче Моисее, моли Бога о нас.

Тропарь: Не владычества тленнаго,/ но еже над страстьми плотскими господствовати взыскал еси, преблаженне отче наш Моисее,/ темже дарова тебе Бог, яко не токмо твоя страсти поработил еси духу,/ но и прочим во искушениях пособствовати приял еси власть,/ сего ради взывал еси:/ ничтоже иного, кроме любве Божия, не хочу познати.

Слава Отцу и Сыну и Святому Духу.

Посмеялся еси безумию любодейцы,/ яко повеле ты рабом со славою грады своя и веси обводити/ и поклонятися тебе, аки своему господину,/ но ты велегласно целомудрия глаголы изрек еси:/ всеу труждаетесь с повелевшею вам сие творити,/ аз бо, разве Бога, ничтоже хочу знати.

И ныне и присно и во веки веков. Аминь.

Богородичен: Радующагося врага, яко улови ны грехолюбия сластьми, посрами, Госпоже,/ нас же, в буре житейския молвы бедствующих, обвесели/ и к тихому пристанищу покрова Твоего достигнути помощь даруй:/ разве бо Тебе иныя в печали Помощницы не знаем.

Катавасия , Глас 4:

Ирмос: Ужасбаша всяческая/ о Божественней славе Твоей:/ Ты бо, неискусобрачная Дево,/ имела еси во утробе над всеми Бога,/ и родила еси безлетнаго Сына,/ всем воспевающим Тя// мир подавающая.

Песнь 6:

Канон Богородичен из минеи Преподобнаго Моисея(на 6) , Глас 8:

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Ибна:/ от тли, Боже, возведи мя. (Дважды)

Припев: Пресвятая Богородице, спаси нас.

Тропарь: Смерти и тли яко спасл еси, Сам Ся издав смерти,/ тлением и смертию мое естество ято бывшее,/ Дево, моли Господа и Сына Твоего врагов злодействия мя избавити.

Припев: Пресвятая Богородице, спаси нас.

Тропарь: Предстательницу Тя живота вем, и Хранительницу тверду, Дево,/ и напастей решащу молвы, и налоги бесов отгоняющую,/ и молюся всегда от тли страстей моих избавити мя.

Припев: Пресвятая Богородице, спаси нас.

Тропарь: Яко стену прибежища, стяжанием, и душ всесовершенное спасение,/ и пространство в скорбех, Отроковице,/ и просвещением Твоим присно радуемся, о Владычице!/ И ныне нас от страстей и бед спаси.

Припев: Пресвятая Богородице, спаси нас.

Тропарь: На одре ныне немощствуяй лежу, и несть исцеления плоти моей./ Но Бога и Спаса миру и Избавителя недугов рождающая,/ Тебе молюся, Благой:/ от тли недуг возстави мя.

Канон Преподобнаго Моисея(На 8), Глас 2:

Припев: Преподобне отче Моисее, моли Бога о нас.

Тропарь: В бѣдне страстей не погрузился еси, / ни ризы твоя в скверны омочил еси, преподобне, / темже, желаяща тя, Богом наставляемый черноризец тайно облече во ангельскую одежду / и научи, како соблюсти ту непорочну, ниже убоиться страха, ни врагу плещи дати: / яко Бог есть, Иже рабы Своя от тли избавляет. *(Дважды)*

Припев: Преподобне отче Моисее, моли Бога о нас.

Тропарь: В бѣдне греховнаго разжжения погружаема любодейца, / отчаявшись о тебе надежды своея, раны тяжкия возложи на тя, преподобне, / повеле бо, растягши тя, жезлием крепко бити, / яко и земли наполниться крове твоя, / ты же, благодарственно сия терпя, зывал еси: / от тли, Боже мой, возведи мя. *(Дважды)*

Припев: Преподобне отче Моисее, моли Бога о нас.

Тропарь: Устрашити тя неустрашимаго хотяще, / известоваху, колика мучения имел еси, блаженне, претерпети, / аще не сотвориши воли госпожи твоея, / ты же, на вся готов сый, отвечал еси дерзновенно: / ни огонь, ни раны возмгут мя разлучити от любви Божия, / Наньже уповаю, яко от тли мя избавит.

Припев: Преподобне отче Моисее, моли Бога о нас.

Тропарь: Не покорился еси женѣ, безстыдством омраченней, / но паче обличил еси ту, преподобне, яко преобидевшую страх Божий, / и безстыдне к скверному смешению нудившую поплевал еси, не бояся ярости тоя, ни гнева, / имел бо еси, отче, надежду на Бога, яко Той тя от руки ея избавит.

Слава Отцу и Сыну и Святому Духу.

Видящи жена себе тобою, отче, посрамлену, / представи тя князю, от негоже суд прия конечный, / да еже хощет, на тебе творит, / имущая власть по многих муках и смерти предати тя. / Но ты, пророчески предвидя оных погибель, отвечал еси: / сами скоро отидете в вечную погибель, / мене же Христос, Бог мой, от тоя избавит.

И ныне и присно и во веки веков. Аминь.

Богородичен: Предстою миролюбному князю выну / и, аки пленник, слышу суд на ся, / да еже хощут любодейныя страсти, творят на мене, / яже, приемше область на мя, обнажаются в чувствах моих / и нуждею влекут мя присно любодействовати мыслию с ними. / Но дондеже в сем мире смертная секира не посече мя, / Ты, мирнаго Царя Небеснаго сущи Мати, / прожени тыя и от тли, Богородице, мя избави.

Катавасия , Глас 4:

Ирмос: Божественное сие и всечестное / совершающе празднество, / богомудрии Богоматере, / приидите руками восплещим, // от Нея рождашагося Бога славим.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Пресвятую, Пречистую, Препоблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Бóгу предадим.

Хор: Тебé, Гóсподи.

Иерей: Ты бо еси Царь мира и Спас душ наших, и Тебé славу воссылаем, Отцу и Сыну и Святому Духу, ныне и присно и во веки веков.

Хор: Амѣнь.

Кондак Преподобнаго Моисея, Глас 3:

В Вышних единого Бóга ища, / земная вся презрел еси, / о телеси своем нерадив, / на муки мужески себе вдал еси, / глад, жажду, узы, в темнице затворяемь, доблественно претерпел еси, / биения, крове излияние и удов отречение, / чистаго ради девства твоего, / мужески понесл еси. / И ныне с девственными лики предстоя Пресвятей Троице, / от всех искушений моли избавитися вопиющим ти: / радуйся, Моисее, отче блаженнейший.

Песнь 7:

Канон Богородичен из минеи Преподобнаго Моисея(на 6), Глас 8:

Ирмос: От Иудеи дошедше, отроцы / в Вавилоне иногда / верою Троицкою пламень пещный попраша, поюще: / отцев Бóже, благословен еси. (Дважды)

Припев: Пресвятая Богородице, спаси нас.

Тропарь: Наше спасение якоже восхотел еси, Спасе, устроить, / во утробу Девыя вселился еси, / Юже миру Предстательницу показал еси: / отец наших Бóже, благословен еси.

Припев: Пресвятая Богородице, спаси нас.

Тропарь: Воителя милости, Егóже родила еси, Мати Чистая, / умоли избавитися от прегрешений и душевных скверн верою зовущим: / отец наших Бóже, благословен еси.

Припев: Пресвятая Богородице, спаси нас.

Тропарь: Сокровище спасения, и источник нетления Тя рождшую, / и столп утверждения, и дверь покаяния зовущим показал еси: / отец наших Бóже, благословен еси.

Припев: Пресвятая Богородице, спаси нас.

Тропарь: Телесныя слабости, и душевныя недуги, Богородительнице, / любовью приступающих к крову Твоему, Дево, исцелити сподоби, / Спаса Христа нам рождшая.

Канон Преподобнаго Моисея(На 8), Глас 2:

Припев: Преподобне отче Моисее, моли Бóга о нас.

Тропарь: Богопротивное веление от князя любодейца приемши, / без студа влечаше тя к скверному смешению, / желаше бо насытитися твоея красоты, преиспещренные чистотою, / ейже и Ангели удивляхуса, зовуще ко устроившему в тебе сию: / Создателю Бóже, благословен еси. (Дважды)

Припев: Преподобне отче Моисее, моли Бога о нас.

Тропарь: Вся стрелы страстных враг пусти на тя, святе, хотя уязвити тя, / но, сам уязвен, стеньше, яко виде неодоленна тебе суща, но паче зовуща: / Боже, благословен еси. *(Дважды)*

Припев: Преподобне отче Моисее, моли Бога о нас.

Тропарь: Всеу трудишися, о жено! – рекл еси, преблаженне, – / никакоже нечистоте твоей коснуся, предзря одесную мене выину Бога, / ниже разыграется плоть моя, яко страх Господень кости ми поядает, тем зову: / Боже, благословен еси.

Припев: Преподобне отче Моисее, моли Бога о нас.

Тропарь: Твердость ума твоего любодейца хотяши умягчити, / повеле палицами бити тя и на всяк день по сто ран налагати, / но ни тако поколебася, яко одebelé плоть твоя в любовь Божию, / Емуже сторичествующий плод принесл еси, зовый: / Боже, благословен еси.

Слава Отцу и Сыну и Святому Духу.

Лютая биения и удоб отречение прием, святе, / был еси аки мертв и ели жив лежа, / но стоящему врагу отрезал еси главу, мёртва же и недействительна того показав, зывал еси: / Боже мой, крепость моя, благословен еси.

И ныне и присно и во веки веков. Аминь.

Богородичен: В лютыя напасти впад, никакоже восклонитися могу, / Ты, Владычице моя, подаждь ми крепкую Свою руку и возстави мя паки на ноге, / да хожду в пути Господни правы, зовый к Тебе: / от рода в род благословенно имя Твое буди.

Катавасия , Глас 4:

Ирмос: *Не послужиша твари богумудрии / паче Создавшаго, / но огненное прещение мужески поправше, / радовахуся поюще: // препетый отецв Господь и Бог благословен еси.*

Песнь 8:

Канон Богородичен из минеи Преподобнаго Моисея(на 6) , Глас 8:

Ирмос: Царя Небснаго, / Егоже поют вои ангельстии, / хвалите и превозносите во вся веки. *(Дважды)*

Припев: Пресвятая Богородице, спаси нас.

Тропарь: Помощи яже от Тебе требующия, не презри, Дево, / поющия и превозносящия Тя во веки.

Припев: Пресвятая Богородице, спаси нас.

Тропарь: Нemoжéние души моея исцеляеши и телесныя болéзни, Дево, / да Тя прославлю, Чистая, во веки.

Припев: Пресвятая Богородице, спаси нас.

Тропарь: Исцелений богатство изливаеши верно поющим Тя, Дево, / и превозносящим неизреченное Твое рождество.

Припев: Пресвятая Богородице, спаси нас.

Тропарь: Напастей Ты прилоги отгонаеши и страстей находы, Дево, / темже Тя поём во вся веки.

Канон Преподобного Моисея(На 8), Глас 2:

Припев: Преподобне отче Моисее, моли Бога о нас.

Тропарь: В пещь огненную любострастного греха влеком, / Бога единого призвал еси, блаженне, давидски глаголя: / Боже, в помощь мою вонми, / и, вшед на пламень, неопалим пребыл еси, / врага паче опалив многокозненную главу, не хотящаго пети Господа во веки. *(Дважды)*

Припев: Преподобне отче Моисее, моли Бога о нас.

Тропарь: Огнем любодееяния не могый враг опалити чистоты твоея, / воздвиже лютое гонение на иночествующих полки, / и изгнани быша от области немилостиваго князя вси, / егоже постиже скоро гнев Божий, по пророчеству твоему, святе, / яко не хотяше во всей державе своей имети поющих Господа во веки. *(Дважды)*

Припев: Преподобне отче Моисее, моли Бога о нас.

Тропарь: Князю внезапно зле душу извергшу, бысть мятэж и молва в людех, / восташа бо раби и избйша господей своих, / с нимиже и мучившая тя любодейца погйбе, и взыде кровь на главу ея. / Ты же, преподобне, воспел еси: / о всех делех благословлю Господа во веки.

Припев: Преподобне отче Моисее, моли Бога о нас.

Тропарь: Воздав хвалу свободившему тя Богу, / пришел еси в пещеру к преподобному Антонию, /нося мученическия на теле своем язвы, ихже вси видевшии зваху: / пойте, вся дела, Господа и перевозносите Его во веки.

Благословим Отца и Сына и Святаго Духа, Господа

Скрыти хотя светлейшую паче солнца чистоту твою, отче, / в темную вселился еси пещеру, / в нейже украсил еси сию пощением и всенощными стоянии, / темже яви о тебе Бог, колику имаши благодать всем в искушениях пособствовать, / да славится Имя Его во веки.

И ныне и присно и во веки веков. Аминь.

Богородичен: Скрыти мняйся пред Оком Всевидящим студ греха моего, / на всяк день разжжением плотским палим, беззаконие к беззаконию прилагаю. / Но прежде даже не открыются пред ангельским и человеческим позором дела моя, / помози ми, Чистая, избыти сицеваго неистовства, / да славлю имя Твое во веки.

Катавасия , Глас 4:

Хор: Хвалим, благословим, поклоняемся Господеву, поюще и перевозносьще во вся веки.

Ирмос: Отроки благочестивыя в пещи, / Рождество Богородичо спасло есть: / тогда убо образуемое, / ныне же действуемое, / вселенную всю воздвизает пети Тебе: / Господа пойте дела, // и перевозносите Его во вся веки.

Диакон: Богородицу и Матерь Света в песнях возвеличим.

Песнь Пресвятой Богородицы:

Хор: Величит душа Моя Господа, / и возрадовася дух Мой о Бозе Спасе Моём.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Яко призре на смирение рабы Своея,/ се бо от ныне ублажат Мя вси роди.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Яко сотвори Мне величие Сильный,/ и свято Имя Его́, и милость Его́ в роды родо́в боящимся Его́.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Сотвори держа́ву мышцею Своею,/ расточи́ гордыя мыслию се́рдца их.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Низложи сильные со престол, и вознесе́ смиренные;/ а́лчущия исполни благ, и богатящиеся отпусти́ тщи.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Восприят Изра́иля о́трока Своего́, помяну́ти милости,/ я́коже глаго́ла ко отце́м нашим, Авра́му и се́мени его́, да́же до ве́ка.

Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Песнь 9:

Канон Богородичен из минеи Преподобнаго Моисея(на 6) , Глас 8:

Ирмос: **Воистинну Богородицу,/ Тя исповедуем,/ спасеннии Тобю, Дево Чистая,/ с безплотыми лики Тя величающе. (Дважды)**

Припев: **Пресвятая Богородице, спаси нас.**

Тропарь: **Тóка слез моих не отврати́ся,/ Яже от всякаго лица́ всяку слезу отъёмшаго,/ Дево, Христа́ рóждшая.**

Припев: **Пресвятая Богородице, спаси нас.**

Тропарь: **Ра́дости моё се́рдце исполни, Дево,/ Яже ра́дости прие́мшая исполне́ние,/ грехо́вную печа́ль потребляющи.**

Припев: **Пресвятая Богородице, спаси нас.**

Тропарь: **Све́та Твоего́ заря́ми просвети́, Дево,/ мрак неведе́ния отгоня́щи,/ благове́рно Богородицу Тя испове́дающих.**

Припев: **Пресвятая Богородице, спаси нас.**

Тропарь: **На ме́сте озлобле́ния немо́щи смири́вшася, Дево, исцели́,/ из нездра́вия во здра́вие претворя́ющи.**

Канон Преподобнаго Моисея(На 8), Глас 2:

Припев: **Преподобне о́тче Моисее, моли́ Бóга о нас.**

Тропарь: **От Бóга Бог, соше́дшее Сло́во, прослави́ ты ещё́ в жи́зни сей, свя́те, чудотво́рными да́ры:/ не́кому бо любоде́янием бориму́ прикоснове́нием жезла́ твоего́ омертвеша стра́сти,/ и, прие́м от Тебе́ за́поведь никогда́же бесе́довати с жено́ю,/ е́же сотвори́в, прóчая ле́та поживе́ мирно, тебе́ велича́я.**

(Дважды)

Припев: Преподобне отче Моисее, моли Бога о нас.

Тропарь: От рода в род чистота твоя славится, / еяже ради много пострадав, приял еси блаженство чистых сердцем, / преставився же от временныя жизни сея, чисте зриши Пресвятую Троицу. / Поминай и нас, преподобне, память твою почитающих. *(Дважды)*

Припев: Преподобне отче Моисее, моли Бога о нас.

Тропарь: Мертвца ты нарече Господь, яко умертвил еси похоти плотския терпением чудным, / и имаши силу прикасающимся мощем твоим страсти умерщвляти, / яко сотворил еси многотерпеливому Иоанну, / иже, прием мир в костех своих, возвеличи Бога, / прославляющаго святых Своих.

Припев: Преподобне отче Моисее, моли Бога о нас.

Тропарь: Возвеселися, горб, имущая в пещере нетленные мочи чуднаго Моисея, / воспойте хвалами, иночествующих собори, / се бо имате пособника и предстателя в скорбех, / кланяйтесь раце его, прикасающесе устнами, / и обрящете покой во удесех ваших.

Слава Отцу и Сыну и Святому Духу.

Славим Троицу Пресвятую, / яко даде нам светильника мира, отца нашего Моисея, / егоже празднующе летнюю память, / Отца, и Сына, и Святаго Духа в Едином Божестве, / вернии, единомудренно величаем.

И ныне и присно и во веки веков. Аминь.

Богородичен: Всегда славим Тя, Чистая Дево, / яко собрала еси верныя рабы Своя на место сие, / идеже мнози приемлют исцеление, поклоняющиеся образу Твоему несумненно / и призывающи в молитву отец наших Печерских.

Катавасия, Глас 4:

Ирмос: *Всяк земнородный / да възгратся Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся, всеблаженная Богородице, // Чистая Приснодево.*

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты хвалят вся силы небесныя, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Светилен Преподобнаго Моисея

Хор: Свете Трисоставный, Содетелю, Истинный Боже, / просвети мрак душ наших, / се бо приводим Тебе в молитву угодника Твоего и с ним молимся: / утиши бурю грехов наших и от печали всех нас избави. *(Дважды)*

С лава Отцу и Сыну и Святому Духу и ныне и присно и во веки веков. Аминь.

Светлейшая паче солнца Марие Богородице,/ просвети благодатию всех, кланяющихся пред Тобю и призывающих имя Твое,/ и соблюди обитель сию от всякаго зла,/ живущих же в ней присносущнаго веселия и радости духовныя исполни,/ Ты бо еси Ходатаица радости нашея.

Хвалитны псалмы, глас 4:

Хор: Всякое дыханье да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

Хвалите Его вси ангели Его,/ хвалите Его вся силы Его.// Тебе подобает песнь Богу.

Стихиры Преподобного Моисея, глас 4:

Подобен: Яко дбля:

На 4. Стих: Хвалите Его на силах Его,/ хвалите Его по множеству величества Его.

Стихира: В гласе радования сошедшеся днесь, празднлюбцы,/ похвальные песни принесем Богу,/ прославляюще преблаженного отца,/ и к раце мощей его припадём, зовуще:/ не забуди нас, предстоя Владыце,/ но моли избавитися от всех искушений и лютых обстояний,/ память твою любовьию почитающим.

Стих: Хвалите Его во гласе трубнем,/ хвалите Его во псалтири и гуслах.

Стихира: В гласе радования сошедшеся днесь, празднлюбцы,/ похвальные песни принесем Богу,/ прославляюще преблаженного отца,/ и к раце мощей его припадём, зовуще:/ не забуди нас, предстоя Владыце,/ но моли избавитися от всех искушений и лютых обстояний,/ память твою любовьию почитающим.

На 2. Стих: Хвалите Его в тимпане и лице,/ хвалите Его во струнах и органе.

Стихира: Кто ты по достоянию воспоёт, преподобне отче?/ Ты бо во временней сей жизни,/ аще и в мертвенном телеси,/ но духовне пожил еси,/ вне мира и плоти быв,/ желание непрестанно имея,/ еже от плоти разрешитися и со Христом быти,/ с Нимже ныне царствуя,/ помяни и нас, тебе прославляющих.

Стих: Хвалите Его в кимвалех доброгласных, хвалите Его в кимвалех восклицания./ Всякое дыханье да хвалит Господа.

Стихира: Радуйся, богоносных отец печерских пречестный лице,/ яко стяжал еси доброе светило,/ девственных верх и мучеников красоту,/ Духа Святаго чистое пребывание,/ Моисея, умнаго Боговидца,/ ебоже память хвалами венчающе, молим вас:/ молити Христа Бога и Владыку,/ нам, чадом вашим, от бед избавитися/ и не лишитися Вышняго Царствия.

Слава Отцу и Сыну и Святому Духу

Глас 6:

Стихира: Истиннаго последователя Христова/ и вернаго Евангелия Его послушателя,/ ты, преподобне отче, днесь восхваляем,/ ты бо, на вечное воздаяние взирая,/ вся красная мира сего во уметы вменил еси,/ пленник изволяя быти,/ да свободен ум от греха имеши,/ о телеси нерадив, на муки е предад еси,/ да мучащаго мысленнаго врага кровными струями потопиши;/

сам ныне в месте покойне сый/ и радости святых наслаждаяся,/ дарования твоими свыше и нас ущедри,/ любезно совершающих память твою.

И ныне и присно и во веки веков. Аминь.

Глас 6:

Богородичен: Богородице, Ты еси лоза истинная,/ возрастившая нам Плод живота,/ Тебе молимся:/ молися, Владычице, со святыми апостолами,/ помиловати души наша.

Иерей: Слава Тебе, показавшему нам свет.

Славословие великое:

Хор: Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святой Душе. Господи Боже, Агнче Божий, Сыне Отче, вземляй грех мира, помилуй нас; вземляй грехи мира, прими молитву нашу; седяи одесную Отца, помилуй нас. Яко Ты еси един Свят, Ты еси один Господь, Иисус Христос, в славу Бога Отца. Аминь.

На всяк день благословлю Тя, и восхваляю Имя Твое во веки, и в век века.

Сподоби, Господи, в день сей без греха сохранитися нам. Благословен еси, Господи, Боже отец наших, и хваально и прославлено Имя Твое во веки. Аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. **(Трижды)**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Трисвятое:

Святой Боже, Святой Крепкий, Святой Безсмертный, помилуй нас. **(Трижды)**

Слава Отцу и Сыну и Святому Духу и ныне и присно и во веки веков. **Аминь.**

Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

Тропарь Преподобнаго Моисея, Глас 3:

Другаго тя Иосифа,/ великий чистоты и целомудрия рачителю,/ всечестне и равноангельне Моисее,/ священными песнями восхваляюще, грешнии,/ молимтися прилежно:/ моли Христа Бога,/ яко да исцелит вся наша страсти/ и подаст велию милость.

Слава Отцу и Сыну и Святому Духу и ныне и присно и во веки веков. Аминь.

Богородичен из третьего приложения по гласу Тропаря

Тя, ходатайствовавшую спасение рода нашего, / воспеваем, Богородице Дево: / плотию бо, от Тебе восприятою, Сын Твой и Бог наш, / Крестом восприим страсть, / избави нас от тли яко Человеколюбец.

Ектения сугубая:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: Гóсподи, помилуй. *(Трижды, на каждое прошение)*

Ещё молимся о Великом Господине и Отце нашем Святейшем Патриархе **(Имярек)** , и о Господине нашем Высокопреосвященнейшем митрополите (или: архиепископе, или: преосвященнейшем епископе **(Имярек)**), и всей во Христѣ братии нашей.

Ещё молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателях святого храма сего, и о всех преждепочивших отцех и братьях, где лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродетельных во святом и всечестном храме сем, трудящихся, поющих и предстоящих людех, ожидающих от Тебѣ великия и богатыя милости.

Иерей: Яко Милостив и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: АМѢНЬ.

Ектения просительная:

Диакон: Исполним утреннюю молитву нашу Господеви.

Хор: Гóсподи, помилуй.

Диакон: Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Днѣ всего совершенна, свята, мирна и безгрешна у Гóспода просим.

Хор: Подай, Гóсподи. *(На каждое прошение.)*

Диакон: Ангела мирна, верна наставника, хранителя душ и телес наших, у Гóспода просим.

Прощения и оставления грехов и прегрешений наших у Гóспода просим.

Добрых и полезных душам нашим и мира миру у Гóспода просим.

Прочее время живота нашего в мире и покаянии скончати у Гóспода просим.

Христианския кончины живота нашего, безболѣзненны, непостыдны, мирны и добраго отвѣта на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебѣ, Гóсподи.

Иерей: Яко Бог милости и щедрот и человеколюбия еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: АМѢНЬ.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебѣ, Господи.

Иерей: Твое бо есть, еже милovati и спасати ны, Бóже наш, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: АМѢНЬ.

Диакон: Премудрость.

Хор: Благословий.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без исления Бога Слова рождшую, сущую Богородицу, Тя величаем.

Иерей: Слава Тебе, Христэ Боже, Упование наше, слава Тебе.

Хор: Слава Отцу и Сыну и Святому Духу и ныне и присно и во веки веков. Аминь.

Господи, помилуй. *(Трижды)*

Благословий.

Отпуст:

Иерей: Христос, Истинный Бог наш, молитвами Пречистыя Своей Матере...

Многолетие:

ЧИТАЕТСЯ ПЕРВЫЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающие на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отвори человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража

нощная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исххнет. Яко исчезохом гневом Твоим, и яростию Твоею смутихомся. Положил еси беззакония наша пред Тобю: век наш в просвещение лица Твоего. Яко вси дни наши оскудеша, и гневом Твоим исчезохом, лета наша яко паучина поучахуся. Дни лет наших, в нихже седьдесят лет, аще же в силах, осьмьдесят лет, и множае их труд и болзнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагаях пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветашаго тай искренняго своего, сего изгонях: гордым оком, и несытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

Чтец: И ныне и присно и во веки веков. Аминь.

Что Тя наречем, о Благодатная? Небо, яко возсияла еси Солнце Правды. Рай, яко прозябла еси цвет нетления Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

Стопы моя направи по словеси Твоему и да не обладает мною всякое беззаконие. Избави мя от клеветы человеческия, и сохранию заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспую славу Твою, весь день великолепие Твое.

Трисвятѣ по Отче наш:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѣице, поми́луй нас; Господи, очисти грехи́ на́ша; Влады́ко, прости́ беззакѡнія на́ша; Святы́й, посети́ и исцели́ немо́щи на́ша, и́мене Твоего́ ра́ди.

Господи, поми́луй. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Отче наш, Иже еси́ на Небесе́х, да святѣ́тся и́мя Твое́, да приидет Ца́рствие Твое́, да бу́дет во́ля Твоя́, яко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, якоже и мы оставля́ем должникѡм на́шим; и не введи́ нас во искуше́ние, но изба́ви нас от лука́ваго.

Иерей: Яко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прісно и во ве́ки веко́в.

Чтец: Ами́нь.

Кондак Преподобнаго Моисея, Глас 3:

В Вы́шних еди́наго Бо́га ища́, / земна́я вся презре́л еси́, / о телеси́ своѣм неради́в, / на му́ки му́жески себе́ вдал еси́, / глад, жа́жду, у́зы, в темнице затворя́емь, до́блественно претерпе́л еси́, / би́ения, кро́ве изли́яние и удо́в отрѣзание, / чи́стаго ра́ди де́вства твоего́, / му́жески понѣсл еси́. / И ны́не с де́вственными ли́ки предсто́я Пресвяте́й Трѣице, / от всех искуше́ний моли́ изба́виться вопи́ющим ти: / ра́дуйся, Моисее́, ѡтче блаже́ннейший.

Господи, поми́луй. **(40 раз)**

Иже на всякое вре́мя и на всякий час, на Небеси́ и на земли́, покланя́емый и сла́вимый, Христе́ Бо́же, Долготерпели́ве, Многоми́лостиве, Многоблагоутро́бне, Иже пра́ведныя любя́й и грѣшныя ми́луяй, Иже вся зовы́й ко спасе́нию обеща́ния ра́ди бу́дущих благ. Сам, Господи, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти, помышле́ния испра́ви, мы́сли очисти и изба́ви нас от всякия ско́рби, зол и болѣзней, огради́ нас святы́ми Твои́ми Ангелы, да ополче́нием их соблюда́ем и наставля́ем, дости́гнем в соедине́ние ве́ры и в ра́зум непристу́пныя Твоея́ сла́вы, яко благослове́н еси́ во ве́ки веко́в, ами́нь.

Господи поми́луй. **(Трижды.)**

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Честне́йшую Херувѣ́м и сла́внейшую без сравне́ния Серафѣ́м, без истле́ния Бо́га Сло́ва ро́ждшую, су́щую Богоро́дицу, Тя велича́ем.

Именем Господни́м благослови́, ѡтче.

Иерей: Бóже, ущéдри ны и благослови ны, просвети лице Твое на ны и помилуй ны.

Чтец: Амíнь.

Иерей: Христé, Свéте Истинный, просвещáяй и освящáяй всякаго челове́ка, грядúщаго в мир, да зна́менается на нас свет лица Твоего́, да в нем у́зрим Свет Непристу́пный: и испра́ви стопы́ наша к дéланию за́поведей Твоих, моли́твами Пречи́стыя Твоея́ Ма́тере, и всех Твоих святы́х, амíнь.

Конда́к, глас 8:

Взбра́нной Воево́де победи́тельная, / я́ко изба́вльшеся от злы́х, / благодарственная воспису́ем Ти раби́ Твой, Богоро́дице; / но я́ко иму́щая держа́ву непобедíмую, / от всяких на́с бе́д свободи́, да зове́м Ти: // ра́дуйся, Невéсто Неневéстная.

Иерей: Сла́ва Тебе́, Христé Бóже, упова́ние на́ше, сла́ва Тебе́.

Хор: Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Амíнь.

Го́споди, помилуй. *(Три́жды)*

Благослови́.

Отпу́ст.

Иерей: Христóс, и́стинный Бог наш, моли́твами пречи́стыя Своея́ Ма́тере, преподо́бных и Богоно́сных оте́ц на́ших и всех святы́х, поми́лует и спасéт нас, я́ко Благ и Человеколю́бец.

Хор: Го́споди, помилуй. *(Три́жды)*

Трeтий час:

Иерей: Благословéн Бог наш всегда́, ны́не и при́сно, и во ве́ки веко́в.

Чтец: Амíнь. Сла́ва Тебе́, Бóже наш, сла́ва Тебе́.

Царю́ Небесный, Уте́шителю, Ду́ше и́стины, Иже вездé сый и вся исполня́яй, Сокро́вище благих и жи́зни Подáтелю, прииди́ и всели́ся в ны, и очисти ны от всякия сквeрны, и спаси́, Бла́же, ду́ши наша.

Трисвято́е по Отче наш:

Чтец: Святы́й Бóже, Святы́й Кре́пкий, Святы́й Безсме́ртный, помилуй нас. *(Три́жды)*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Амíнь.

Пресвята́я Трoице, помилуй нас; Го́споди, очисти грехи́ наша; Влады́ко, прости́ беззакoния наша; Святы́й, посети́ и исцели́ немо́щи наша, и́мене Твоего́ ра́ди.

Го́споди, помилуй. *(Три́жды)*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Амíнь.

Отче наш, Иже еси́ на Небесéх, да святит́ся и́мя Твое́, да приидет Цáрствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги наша, я́коже и мы оставля́ем должникoм на́шим; и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Цáрство и си́ла и сла́ва Отца́ и Сы́на и Свята́го Ду́ха, ны́не и при́сно и во ве́ки веко́в.

Чтец: Амѣнь.

Чтец: Амѣнь.

Господи, помилуй. (12 раз)

**Слава Отцу и Сыну и Святому Духу, и ныне и присно и во веки веков.
Амѣнь.**

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 16:

Услыши, Господи, правду мою, вонми молению моему, внуши молитву мою не во устнах лстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаая уповающия на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгоняши мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Псалом 24:

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь

враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхуся мне, яко потерпех Тя, Господи. Избави, Боже, Израиля от всех скорбей его.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззаконных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молися, Владычице, со святыми апостолы помилovati души наша.

Господь Бог благословен, благословен Господь день дне, / поспешит нам Бог спасений наших, Бог наш, Бог спасти.

Трисвятое по Отче наш:

Чтец: Святыи Боже, Святыи Крепкий, Святыи Безсмертный, помилуй нас. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѳице, помѳлуй нас; Го́споди, очѳсти грехѳ на́ша; Влады́ко, прости́ беззако́нѳна на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, помѳлуй. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Отче наш, Иже еси́ на Небесе́х, да святѳтся и́мя Твое́, да приѳдет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставя́ем должником́ нашим; и не введѳ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прісно и во ве́ки веко́в.

Чтец: Ами́нь.

Кондак Преподобнаго Моисея, Глас 3:

В Вы́шних еди́наго Бо́га ища́, / земна́я вся презрѳ еси́, / о телеси́ своѳм неради́в, / на му́ки му́жески себе́ вдал еси́, / глад, жа́жду, у́зы, в темнице затворя́емь, до́блественно претерпѳ еси́, / би́ения, кро́ве излия́ние и удо́в отрѳзание, / чи́стаго ра́ди де́вства твоего́, / му́жески понѳсл еси́. / И ны́не с де́вственными ли́ки предсто́я Пресвяте́й Трѳице, / от всех искуше́ний моли́ изба́вѳтися вопи́ющим ти: / ра́дуйся, Моисе́е, о́тче блаже́ннейший.

Го́споди, помѳлуй. **(40 раз)**

Иже на всякое вре́мя и на всякий час, на Небеси́ и на земли́, покланя́емый и сла́вимый, Христе́ Бо́же, Долготерпели́ве, Многоми́лостиве, Многоблагоутрѳбне, Иже пра́ведныя любя́й и грѳшныя ми́луяй, Иже вся зовы́й ко спасе́нию обеща́ния ра́ди бу́дущих благ. Сам, Го́споди, прими́ и на́ша в час сей моли́твы и испра́ви живо́т наш к за́поведем Твоѳм, ду́ши на́ша освяти́, телеса́ очѳсти, помышле́ния испра́ви, мы́сли очѳсти и изба́ви нас от всякия ско́рби, зол и боле́зней, огради́ нас святы́ми Твоѳми Ангелы, да ополче́нием их соблюда́емѳ и наставля́емѳ, дости́гнем в соединѳние ве́ры и в ра́зум непристу́пныя Твоя́ сла́вы, я́ко благослове́н еси́ во ве́ки веко́в, ами́нь.

Го́споди помѳлуй. **(Трижды.)**

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Честне́йшую Херувѳм и сла́внейшую без сравне́ния Серафѳм, без истле́ния Бо́га Сло́ва ро́ждшую, су́щую Богоро́дицу, Тя велича́ем.

Именем Госпо́дним благослови́, о́тче.

Иерей: Моли́твами святы́х оте́ц на́ших, Го́споди Иису́се Христе́, Бо́же наш, помѳлуй нас.

Чтец: Ами́нь. Влады́ко Бо́же Отче Вседержителю, Го́споди Сы́не Единоро́дный Иису́се Христе́, и Святы́й Ду́ше, Еди́но Божѳство, Еди́на Си́ла, помѳлуй мя, грѳшнаго, и и́миже ве́си судьба́ми, спаси́ мя, недостойнаго раба́ Твоего́, я́ко благослове́н еси́ во ве́ки веко́в, ами́нь.

Шестой час:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 53:

Бóже, во имя Твое спаси мя, и в силе Твоей суди ми. Бóже, услыши молитву мою, внуши глаголы уст моих. Яко чуждии восташа на мя и крепции взыскаша душу мою, и не предложиша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Болею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возре око мое.

Псалом 54:

Внуши, Бóже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклониша на мя беззаконие и во гневе враждовашу ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающаго мя от малодушия и от бури. Потопи, Господи, и раздели языки их: яко видех беззаконие и пререkanie во граде. Днем и ночью обыдет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидяя мя на мя велеречевал, укрыл бых ся от него. Ты же, человек равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снудут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и завтра, и полудне повею, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убоишася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возвези на Господа печаль твою, и Той тя препитает, не даст в век молвы праведнику. Ты же, Бóже, низведеша их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешься: оружием обыдет тя истина Его. Не убойшия от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши, и

воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнешоу о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Мое. Воззовет ко Мне и услышу его, с ним есмь в скорби, изму его и прославлю его, долготою дней исполню его и явлю ему спасение Мое.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

И ныне и присно и во веки веков. Аминь.

Яко не имамы дерзновения за премногия грехи наша, Ты иже от Тебе Родшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечистая, яко милостив есть и спасти могый, Иже и страдати о нас изволивый.

Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

Трисвятое по Отче наш:

Чтец: Святыи Боже, Святыи Крепкий, Святыи Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Амѣнь.

Кондак Преподобнаго Моисея, Глас 3:

В Вышних единого Бога ища, / земная вся презрел еси, / о телеси своем
нерадив, / на муки мужески себе вдал еси, / глад, жажду, узы, в темнице
затворяемь, доблественно претерпел еси, / биения, крове излияние и удов
отрезание, / чистаго ради девства твоего, / мужески понесл еси. / И ныне с
девственными лики предстоя Пресвятей Троице, / от всех искушений моли
избавитися вопиющим ти: / радуйся, Моисее, отче блаженнейший.

Господи, помилуй. (40 раз)

Иже на всякое время и на всякий час, на Небеси и на земли, покланяемый и
славимый, Христе Боже, Долготерпеливе, Многоимлостиве,
Многоблагоутробне, Иже праведныя любяи и грешныя милуяи, Иже вся зовый
ко спасению обещания ради будущих благ. Сам, Господи, прими и наша в час
сей молитвы и исправи живот наш к заповедем Твоим, души наша освяти,
телеса очисти, помышления исправи, мысли очисти и избави нас от всякия
скорби, зол и болезней, огради нас святыми Твоими Ангелы, да ополчением их
соблюдаемы и наставляемы, достигнем в соединение веры и в разум
неприступная Твоея славы, яко благословен еси во веки веков, амѣнь.

Господи помилуй. (Трижды.)

**Слава Отцу и Сыну и Святому Духу и ныне и присно и во веки веков.
Амѣнь.**

Честнейшую Херувим и славнейшую без сравнения Серафим, без истления
Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Амѣнь. Боже и Господи сил и всяя твари Содетелю, Иже за милосердие
безприкладныя милости Твоея Единороднаго Сына Твоего, Господа нашего
Иисуса Христа, низпославый на спасение рода нашего, и честным Его Крестом
рукописание грех наших растерзавый, и победивый тем начала и власти тьмы.
Сам, Владыко Человеколюбче, прими и нас, грешных, благодарственныя сия
и молебныя молитвы и избави нас от всякаго всегубительнаго и мрачнаго
прегрешения и всех озлобити нас ищущих видимых и невидимых враг.
Пригвозди страху Твоему плоти наша и не уклони сердец наших в словеса или
помышления лукавствия, но любовью Твоею уязви души наша, да, к Тебе
всегда взирающе и еже от Тебе светом наставляемы, Тебе, неприступнаго и
присносущнаго зряще Света, непрестанное Тебе исповедание и благодарение
возсылаем, Безначальному Отцу со Единородным Твоим Сыном и Всесвятым, и
Благим, и Животворящим Твоим Духом ныне, и присно, и во веки веков, амѣнь.

Божественная литургия:

Диакон: Благослови, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: Аминь.

Великая ектения:

Диакон: Мíром Гóсподу помóлимся.

Хор: Гóсподи, помíлуй. *(На каждое прошение)*

Диакон: **О** Свьшнем мíре и спасéнии душ нáших, Гóсподу помóлимся.

О мíре всего мíра, благостоянии Святых Бóжиих Церквéй и соединéнии всех, Гóсподу помóлимся.

О святém храме сем и с вéрою, благоговéнием и стрáхом Бóжиим входящих во_нь, Гóсподу помóлимся.

О великом Господíне и Отцé нáшем Святéйшем Патриáрхе **(Имярек)** , и о Господíне нáшем, Высокопреосвящéннейшем митрополíte (или: архиепíскопе, или: преосвящéннейшем епíскопе **(Имярек)**), честнém пресвítерстве, во Христé диаконстве, о всем причте и людех, Гóсподу помóлимся.

О Богохранímей странé нáшей, властéх и во́инстве ея, Гóсподу помóлимся.

О граде сем (или о вéси сей), всяком граде, странé и вéрою живущих в них, Гóсподу помóлимся.

О благорастворéнии воздúхов, о избóбиии плодóв земных и врéменех мíрных, Гóсподу помóлимся.

О плавающих, путешествующих, недúгующих, страждущих, пленéнных и о спасéнии их. Гóсподу помóлимся.

О избáвиться нам от всякия скóрби, гнéва и нúжды, Гóсподу помóлимся.

Заступí, спасí, помíлуй и сохрани нас, Бóже, Твоею благодáтию.

Пресвятую, Пречíстую, Преблагословéнную, Слáвную Владычцу нáшу Богородицу и Приснодеву Марию, со всеми святы́ми помяну́ше, сáми себе и друг друга, и весь живóт наш Христу́ Бóгу предадím.

Хор: Тебé, Гóсподи.

Иерей: Яко подобáет Тебé всякая слáва честь и поклонéние, Отцú и Сыну и Свято́му Дúху, ны́не и прíсно и во вéки веко́в.

Хор: Аминь.

Пéрвый антифóн, псалóм 102:

Хор: Благослови́, душе́ моя́, Гóспода,/ благословéн еси́ Гóсподи./

Благослови́, душе́ моя́, Гóспода,/ и вся внúтренняя моя́/ и́мя святое Егó./
Благослови́, душе́ моя́, Гóспода,/ и не забывáй всех воздаяний Егó,/
очищающего вся беззакóния тво́я,/ исцеляющего вся недúги тво́я,/
избавляющего от истлéния живóт твой,/ венчающего тя мíлостию и
щедрóтами,/ исполняющего во благих желáние твоё:/ обновítся я́ко óрля
ю́ность тво́я./ Твори́й мíлостыни Госпóдь,/ и судьбу́ всем обидимым./ Сказа́
пути́ Сво́я Моисéови,/ сыновóм Изра́илевым хотéния Сво́я:/ Щедр и Мíлостив
Госпóдь,/ Долготерпели́в и Многомíлостив./ Не до конца́ прогне́вается,/ ниже́
в век враждúет,/ не по беззакóнием нáшим сотворил есть нам,/ ниже́ по
грехóм нáшим воздал есть нам./ Я́ко по высотé небéсней от земли́,/ утвердил
есть Госпóдь мíлость Свою́ на боящихся Егó./ Ели́ко отстоя́т востóцы от
за́пад,/ удалил есть от нас беззакóния нáша./ Я́коже щедрит отéц сыны́,/
ущéдри Госпóдь боящихся Егó./ Я́ко Той позна́ создáние нáше,/ помяну́, я́ко
персть есмь./ Человéк, я́ко трава́ дние егó,/ я́ко цвет сéльный, тáко оцветéт,/
я́ко дух прóйде в нем,/ и не бúдет, и не позна́ет ктому́ мéста своего́./ Мíлость
же Госпóдня от вéка и до вéка на боящихся Егó,/ и прáвда Егó на сынéх сынóв,
хранящих завет Егó, и по́мнящих за́поведи Егó творити́ я́./ Госпóдь на Небеси́
угото́ва Престо́л Сво́й,/ и Цáрство Егó все́ми облада́ет./ Благослови́те Гóспода
вси́ Ангели Егó,/ сильнии крéпостию, творя́щи слóво Егó, услышати глас

словес Егб./ Благословіте Гбспода вся Силы Егб./ слуги Егб, творящии волю Егб./ Благословіте Гбспода вся дела Егб, на всяком месте владычества Егб./ **Благослові, душе моя, Гбспода,/ и вся внутренняя моя/ имя святое Егб./** Благословен еси, Гбсподи.

Ектения малая:

Диакон: Паки и паки миром Гбсподу помолимся.

Хор: Гбсподи, помилуй.

Диакон: Заступи, спаси, помилуй и сохрани нас, Бже, Твоею благодатию.

Хор: Гбсподи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Гбсподи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

Второй антифон, псалом 145:

Хор: Хвали, душе моя, Гбспода./ Восхваляю Гбспода в животе моем,/ пою Богу моему, дондеже есмь./ Не надейтесь на князи, на сыны человеческия,/ в нихже несть спасения./ Изыдет дух его/ и возвратится в землю свою./ В той день погибнут вся помышления его./ Блажен, емуже Бог Иаковль Помощник его,/ упование его на Гбспода Бога своего,/ сотворшаго небо и землю,/ море и вся, яже в них,/ хранящаго истину в век,/ творящаго суд обидимым,/ дающаго пищу алчущим./ Господь решит окованныя./ Господь умудряет слепцы./ Господь возводит низверженные./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

Слава Отцу и Сыну и Святому Духу и ныне и присно и во веки веков. Аминь.

Единородный Сыне:

Единородный Сыне и Слове Божий, Безсмертен Сый/ и изблывый спасения нашего ради/ воплотитися от Святыя Богородицы и Приснодевы Марии,/ непреложно вочеловечивыйся,/ распныйся же, Христе Бже, смертию смертью поправый,/ Един Сый Святыя Троицы, // прославляемый Отцу и Святому Духу, спаси нас.

Ектения малая:

Диакон: Паки и паки миром Гбсподу помолимся.

Хор: Гбсподи, помилуй.

Диакон: Заступи, спаси, помилуй и сохрани нас, Бже, Твоею благодатию.

Хор: Гбсподи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Хор: Ами́нь.

Трѣтій антифѳон, Блаженны:

Хор: Во Царствии Твоем помяни нас, Господи, егда приидеши, во Царствии Твоем.

На 12: Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кратции, яко тии наследят землю.

Блажени алчущии и жаждущии правды, яко тии насытятся.

На 8: Блажени милостивии, яко тии помиловани будут.

Песнь 3 Канона Преподобнаго Моисея, Глас 2:

Ирмос: На камени мя веры утвердив, / расширил еси уста моя на враги моя, / возвеселя бо ся дух мой, внемгда пети: / несть свят, якоже Бог наш, / и несть праведен, паче Тебѣ, Господи.

Блажени чистии сердцем, яко тии Бога узрят.

Тропарь: На твердем камени веры душевная чувства твоя утвердив, шел еси в плен, / упование имея на Единого, тяжчайшия раны и крест претерпевшаго Иисуса, / яко Той избавит тя от сети ловца; / темже на всяком месте пел еси: / несть праведен, паче Тебѣ, Господи.

На 6: Блажени миротворцы, яко тии сынове Божии нарекутся.

Тропарь: Тяжкими по руку и по ногу обложен железы / и пятолетнюю прежде подъем тесноту, / не разбился еси умом, но, несвязан имеяй язык, / о всех приключшихся на местех благодарил еси Бога, поя: / праведно вся сия навел еси на мя, / несть бо праведника, паче Тебѣ, Господи.

Блажени изгнани правды ради, яко тех есть Царство Небесное.

Тропарь: Красна ты лицом, светлейша же душею видящи во узах, / некая юна от благородных жен вдовица / стрелюю любви твоея уязвися и прельщаше ты много, святе; / ты же ей отвещал еси: / никакоже воли твоей повинуся, / яко Бог изволи тако, Емуже пою: / несть праведен, паче Тебѣ, Господи.

На 4: Блажени есте, егда поносят вам, и изженут, и рекут всяк зол глагол на вы, лжуще Мене ради.

Песнь 6 Канона Преподобнаго Моисея, Глас 2:

Тропарь: В бездне страстей не погрузился еси, / ни ризы твоея в скверны омочил еси, преподобне, / темже, желаяща тя, Богом наставляемый черноризец тайно облече во ангельскую одежду / и научи, како соблюсти ту непорочну, ниже убоиться страха, ни врагу плещи дати: / яко Бог есть, Иже рабы Своя от тли избавляет.

Радуйтесь и веселитесь, яко мзда ваша многа на Небесех.

Тропарь: В бездне греховнаго разжжения погружаема любодейца, / отчаявшись о тебе надежды своея, раны тяжкия возложи на тя, преподобне, / повеле бо, растягши тя, жезлием крепко бити, / яко и земли наполнитися крове твоея, / ты же, благодарственно сия терпя, зывал еси: / от тли, Боже мой,

возведи мя.

Слава Отцу и Сыну и Святому Духу.

Тропарь: Видящи жена себе тобою, отче, посрамлену, / представи ты князю, от негоже суд прия конечный, / да еже хощет, на тебе творит, / имущая власть по многих муках и смерти предати тя. / Но ты, пророчески предвидя оных погибель, отвещал еси: / сами скоро отыдете в вечную погибель, / мене же Христос, Бог мой, от тоя избавит.

И ныне и присно и во веки веков. Аминь.

Богородичен: Предстою миролюбному князю выну / и, аки пленник, слышу суд на ся, / да еже хощут любодейныя страсти, творят на мне, / яже, приемше область на мя, обнажаются в чувствах моих / и нуждею влекут мя присно любодействовати мыслию с ними. / Но дондеже в сем мире смертная секира не посече мя, / Ты, мирнаго Царя Небеснаго сущи Мати, / прожени тыя и от тли, Богородице, мя избави.

Малый вход (с Евангелием):

Диакон: Премудрость, прости.

Хор: Приидите, поклонимся и припадём ко Христу. Спаси ны, Сыне Божий, во святых дивен сый, поющия Ти: Аллилуиа.

В храме Господском И Богородичном

[Тропарь ХРАМА]

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

Слава Отцу и Сыну и Святому Духу.

Кондак Преподобнаго Моисея, Глас 3:

В Вышних единого Бога ища, / земная вся презрел еси, / о телеси своем нерадив, / на муки мужески себе вдал еси, / глад, жажду, узы, в темнице затворяемь, доблественно претерпел еси, / биения, крове излияние и удов отречение, / чистаго ради девства твоего, / мужески понесл еси. / И ныне с девственными лики предстоя Пресвятей Троице, / от всех искушений моли избавитися вопиющим ти: / радуйся, Моисее, отче блаженнейший.

И ныне и присно и во веки веков. Аминь.

[Кондак ХРАМА]

В храме Святого

[Тропарь ХРАМА]

Тропарь Преподобнаго Моисея, Глас 3:

Другаго тя Иосифа, / великий чистоты и целомудрия рачителю, / всечестне и равноангельне Моисее, / священными песньми восхваляюще, грешнии, / молимтися прилежно: / моли Христа Бога, / яко да исцелит вся наша страсти / и подаст велию милость.

[Кондак ХРАМА]

С лава Отцу и Сыну и Святому Духу.

Кондак Преподобнаго Моисея, Глас 3:

В Вышних единого Бога ища, / земная вся презрел еси, / о телеси своем нерадив, / на муки мужески себе вдал еси, / глад, жажду, узы, в темнице затворяемь, доблественно претерпел еси, / биения, крове излиание и удов отречение, / чистаго ради девства твоего, / мужески понесл еси. / И ныне с девственными лики предстоя Пресвятей Троице, / от всех искушений моли избавитися вопиющим ти: / радуйся, Моисее, отче блаженнейший.

И ныне и присно и во веки веков. Аминь.

Богородичен, глас 6-й:

Хор: Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, / на помощь нас, верно зовущих Ти; / ускори на молитву и потщися на умоление, // предстательствующи присно, Богородице, чтущих Тя.

Диакон: Господу помолимся.

Хор: Господи, помилуй.

Иерей: Яко свят еси, Боже наш, и Тебе славу возсылаем, Отцу и Сыну и Святому Духу, ныне и присно.

Диакон: Господи, спаси благочестивыя.

Хор: Господи, спаси благочестивыя.

Диакон: И услыши ны.

Хор: И услыши ны.

Диакон: И во веки веков.

Хор: Аминь.

Трисвятое:

Хор: Святой Боже, Святой Крепкий, Святой Безсмертный, помилуй нас.

(Трижды)

Слава Отцу и Сыну и Святому Духу и ныне и присно и во веки веков. Аминь.

Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

Диакон: Вонмем.

Иерей: Мир всем.

Чтец: И духови твоему.

Диакон: Премудрость.

Прокимен Преподобнаго Моисея, глас 7:

Чтец: Прокимен, глас седьмой: Честна пред Господем / смерть преподобных Его.

Хор: Честна пред Господем / смерть преподобных Его.

Чтец: Что воздам Господеву о всех, яже воздаде ми?

Хор: Честна пред Господем / смерть преподобных Его.

Чтец: Честна пред Господем

Хор: смерть преподобных Его.

Чтение Апостола:

Диакон: Премудрость.

Чтец: К Коринфяном перваго послания святаго апостола Павла чтение.

Диакон: Воннем.

Чтение дня (Зачало 138,1 Кор.7:24-35):

Чтец: Братие, кийждо в немже призван бысть, в том да пребывает пред Богом. О девах же повеления Господня не имам, совет же даю, яко помилован от Господа верен быти. Мню убо сие добро быти за настоящую нужду, яко добро человеку тако быти. Привязал ли ся еси жену? Не ищи разрешенія. Отрешил ли ся еси жены? Не ищи жены. Аще ли же и оженишия, не согрешил еси, и аще посягнет дева, не согрешила есть. Скорбь же плоти имети будут таковыи, аз же вы щажду. Сие же глаголю, братие, яко время прекращено есть прочее, да и имущии жены, якоже не имущии будут. И плачущиися, якоже не плачущии, и радующиися, якоже не радующеся, и купующии, яко не содержаще. И требующии мира сего, яко не требующе: преходит бо образ мира сего. Хочу же вас безпечальны быти. Не оженивыйся печется о Господних, како угодили Господеви, а оженивыйся печется о мирских, како угодили жены. Разделися жена и дева. Непосыгающая печется о Господних, да есть свята и телом, и духом, а посягающая печется о мирских, како угодили мужу. Сие же на пользу вам самом глаголю, не да сило вам наложу, но к благообразию и благоприступанию Господеви безмолвну.

Чтение за пятницу 27 июля (Зачало 139,1 Кор.7:35-8:7):

Чтец: Братие, к пользе вам самом глаголю, не да сило вам наложу, но к благообразию и благоприступанию Господеви безмолвну. Аще ли же кто безобразити о деве своей нещует, аще есть превозрастна, и тако должна есть быти, еже хощет, да творит, не согрешает, аще посягнет. А иже стоит твердо сердцем, не имый нужды, власть же имать о своей воли, и се разсудил есть в сердце своем блюсти деву свою, добре творит. Темже и вдай браку свою деву добре творит, и не вдай лучше творит. Жена привязана есть законом, в елико время живет муж ея. Аще же умрет муж ея, свободна есть, за негоже хощет, посягнути, точно о Господе. Блаженнейша же есть, аще тако пребудет, по моему совету, мню бо ся и аз Духа Божия имети. О идоложертвенных же вемы, яко вси разум имамы. Разум убо кичит, а любы созидает. Аще ли кто мнится ведети что, не у что разуме, якоже подобает разумети, аще же кто любит Бога, сей познан бысть от Него. О ядении же идоложертвенных вемы, яко идол ничтоже есть в мире, и яко никтоже Бог ин, токмо Един. Аще бо и суть глаголемии бози, или на небеси, или на земли, якоже суть бози мнози и господие мнози, но нам един Бог Отец, из Негоже вся, и мы у Него, и един Господь Иисус Христос, Имже вся, и мы Тем. Но не во всех разум, нецыи же совестью идольскою даже доселе якоже идоложертвенное ядят, и совесть их, немощна сущи, сквернится.

Чтение Преподобного Моисея (Зачало 213,Гал.5:22-6:2):

Чтец: Братие, плод духовный есть любви, радость, мир, долготерпение, благодать, милосердие, вера, кротость, воздержание: на таковых несть закона. А иже Христовы суть, плоть распяша со страстьми и похотьми. Аще живем духом, духом и да ходим. Не бываем тщеславни, друг друга раздражающе, друг другу завидяще. Братие, аще и впадёт человек в некое прегрешение, вы духовнии исправляйте такового духом кротости: блюдыи себе, да не и ты искушен будещи. Друг друга тяготы носите, и тако исполните закон Христов.

Иерей: Мир ти.

Чтец: И духови твоему.

Диакон: Премудрость.

Аллилуарий Преподобного Моисея, глас 6:

Чтец: Аллилуия, глас шестый:

Хор: Аллилуия, аллилуия, аллилуия.

Чтец: Блажен муж, бойся Господа, в заповедех Его восхощет зело.

Хор: Аллилуия, аллилуия, аллилуия.

Чтец: Сильно на земли будет семя его

Хор: Аллилуия, аллилуия, аллилуия.

Диакон: Благословии, владыко, благовестителя святого Апостола и Евангелиста Матфея

Иерей: Бог, молитвами святого, славного, всехвального Апостола и Евангелиста Матфея, да даст тебе глагол благовествующему силою мною, во исполнение Евангелия возлюбленного Сына Своего, Господа нашего Иисуса Христа.

Диакон: Аминь.

2й диакон: Премудрость, прости, услышим святого Евангелия.

Иерей: Мир всем.

Хор: И духови твоему.

Диакон: От Матфея Святого Евангелия чтение.

Хор: Слава Тебе, Господи, слава Тебе.

2й диакон: Вбнем.

Чтение Евангелия:

Чтение дня (зачало 61., Мф.15:12-21)

Диакон: Во время оно, приступльше ко Иисусу ученицы Его, реща Ему: веши ли, яко фарисее слышавше слово соблазнишася? Он же отвещав рече: всяк сад, егже не насади Отец Мой Небесный, искоренится. Оставьте их, вожди суть слепи слепцем, слепец же слепца аще водит, оба в яму впадется. Отвещав же Петр рече Ему: скажи нам притчу сию. Иисус же рече им: одиначе ли и вы без разума естё? Не у ли разумеаете, яко всяко, еже входит во уста, во чрево вмещается и афедронном исходит? Исходящая же изоуст, от сердца исходят, и та сквернят человека. От сердца бо исходят помышления злая, убийства, прелюбодеяния, любодеяния, татбы, лжесвидетельства, хулы. Сия суть сквернящая человека, а еже неумовенными рукама ясти, не сквернит человека. И изшед отуду Иисус, отыде во страны Тирския и Сидонския.

Чтение за пятницу 27 июля (зачало 63., Мф.15:29-31)

Диакон: Во время оно, прииде Иисус на море Галилейское, и возшед на гору, седе ту. И приступиша к Нему народи мнози, имуще с собою хромья, слепья, немья, бедныя и ины многи, и привергоша их к ногам Иисусовым, и исцели их. Якоже народом дивитися, видящим немья глаголюща, бедныя здравы, хромья ходяща и слепья видяща, и славляху Бога Израилева.

Чтение Преподобного Моисея (зачало 24., Лк.6:17-23А):

Диакон: Во время оно, ста Иисус на месте равне, и народ ученик Его, и множество много людей от всея Иудеи и Иерусалима, и помория Тирска и Сидонска, иже приидоша послушати Его и исцелитися от недуг своих, и страждущии от дух нечистых, и исцеляхуся. И весь народ искаше прикасатися Ему, яко сила от Него исхождаше, и исцеляше вся. И той возвед очи свои на ученики своя, глаголаше: блажени нищии духом, яко ваше есть Царствие Божие. Блажени, алчущии ныне, яко насытитесь. Блажени, плачущии ныне, яко возсмеетесь. Блажени будете, егда возненавидят вас человецы, и егда разлучат вы и поносят, и пронесут имя ваше яко зло, Сына Человеческого ради. Возрадуйтесь в той день и възиграйте, се бо мзда ваша многа на небеси.

Хор: Слава Тебе, Господи, слава Тебе.

Ектения сугубая:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите **(или: архиепископе, или: преосвященнейшем епископе Имярек)**, и всей во Христе братии нашей.

Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о братьях наших, священниках, священномонахах, и всем во Христе братстве нашем.

Еще молимся о блаженных и приснопамятных создателях святого храма сего, и о всех преждепочивших отцев и братьях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: АМИНЬ.

Ектения об оглашенных:

Диакон: Помолитесь, оглашенные, Господеви.

Хор: Господи, помилуй. *(На каждое прошение)*

Диакон: Вернии, о оглашенных помолимся, да Господь помилует их.

Огласит их словом истины.

Открыет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатию.

Оглашенные, главы ваша Господеви приклоните.

Хор: Тебе, Господи.

Иерей: Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.

Хор: АМИНЬ.

Ектения верных, первая:

Диакон: Елицы оглашenni, изыдите, оглашenni, изыдите, елицы оглашenni, изыдите, да никто от оглашенных, елицы вернии, паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Премудрость.

Иерей: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Хор: АМИНЬ.

Ектения верных, вторая:

Диакон: Паки и паки, миром Господу помолимся.

Хор: Господи, помилуй. *(На каждое прошение)*

Диакон: О свышнем мире и спасении душ наших, Господу помолимся.

О мире всего мира, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Премудрость.

Иерей: Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: АМИНЬ.

Херувимская песнь:

Хор: Иже Херувимы тайно образующе и животворящей Троице Трисвятую песнь припевающе, всякое ныне житейское отложим попечение.

Великий вход:

Диакон: Великаго господина и отца нашего (Имярек), Святейшаго Патриарха всея Руси, и господина нашего (Высоко-) Преосвященнейшаго (Имярек), (архи-)епископа (митрополита (титул)), да помянет Господь Бог во Царствии Своём всегда, ныне и присно, и во веки веков.

Иерей: Преосвященныя митрополиты, архиепископы и епископы, и весь священнический и монашеский чин, и причет церковный, братию святаго храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

Хор: АМИНЬ. Яко да Царя всех подыдем, Ангельскими невидимо дориносима чинми. Аллилуиа, аллилуиа, аллилуиа.

Ектения просительная:

Диакон: Исполним молитву нашу Господеву.

Хор: Гóсподи, помíлуй. (На каждое прошение)

Диáкон: О предложенных Честных Дарех, Гóсподу помóлимся.

О святем храме сем, и с верою, благоговением и страхом Божиим входящих в оны, Гóсподу помóлимся.

О избавитися нам от всякия скорби, гнева и нужды, Гóсподу помóлимся.

Заступи, спаси, помíлуй и сохрани нас, Бóже, Твоею благодáтию.

Хор: Гóсподи, помíлуй.

Диáкон: Дне всего совершенна, свята, мирна и безгрешна у Гóспода прóсим.

Хор: Подáй, Гóсподи. (На каждое прошение)

Диáкон: Ангела мирна, верна наставника, хранителя душ и телес наших, у Гóспода прóсим.

Прощения и оставления грехов и прегрешений наших у Гóспода прóсим.

Добрых и полезных душам нашим и мира миру у Гóспода прóсим.

Прочее время живота нашего в мире и покаянии скончати у Гóспода прóсим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христóве прóсим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христóу Бóгу предадим.

Хор: Тебé, Гóсподи.

Иерей: Щедрóтами Единорóднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Амíнь.

Иерей: Мир всем.

Хор: И дóхови твоему.

Диáкон: Возлюбим друг друга, да единомыслием испове́мы.

Хор: Отца, и Сына, и Святаго Духа, Троицу единосущную и нераздельную.

Диáкон: Двери, двери, премудростию вондем.

Символ веры:

Люди: Вéрую во еди́наго Бóга Отца Вседержителя, Творца небу и земли, видимым же всем и невидимым. И во еди́наго Гóспода Иисуса Христа, Сына Бóжия, Единорóднаго, Иже от Отца рождéннаго прéжде всех век. Света от Света, Бóга истинна от Бóга истинна, рождéнна, несотворéнна, единосущна Отцу, Имже вся бы́ша. Нас ради человек и нашего ради спасения сшédшаго с небес и воплотившагося от Духа Свята и Марии Дéвы и вочеловéчшася. Распятаго же за ны при Понтийстем Пилáте, и страда́вша, и погребéнна. И воскресшаго в трéтий день по Писáнием. И возшédшаго на небеса́, и седя́ща одесну́ю Отца. И па́ки грядúщаго со славою суди́ти живым и мёртвым, Егóже Цáрствию не бóдет конца́. И в Духа Святаго, Гóспода, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго проро́ки. Во еди́ну Святу́ю, Соборную и Апóстольскую Цéрковь. Исповéдую еди́но крещéние во оставлéние грехов. Чаю воскресéния мёртвых, и жи́зни бóдущаго вéка. Амíнь.

Евхаристический Канон:

Диáкон: Стáнем добре, стáнем со страхом, вондем, святóе возношéние в мире приносíti.

Хор: Милость мира, жертву хваления.

Иерей: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Хор: И со духом твоим.

Иерей: Горé имéим сердца.

Хор: И мамы ко Господу.

Иерей: Благодарим Господа.

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Иерей: Победную песнь поюще, вопиюще, взывающе и глаголюще.

Хор: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Иерей: Примите, ядите, сие есть Тело Моё, еже за вы ломимое во оставление грехов.

Хор: Аминь.

Иерей: Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Хор: Аминь.

Иерей: Твоя от Твоих Тебе приносяще, о всех и за вся.

Хор: Тебе поём, Тебе благословим, Тебе благодарим, Господи, и молим Ти ся, Боже наш.

Иерей: Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.

Достойно есть:

Хор: Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Иерей: В первых помяни, Господи, великаго господина и отца нашего (Имярек), Святейшаго Патриарха всея Руси, и господина нашего (Высоко-) Преосвященнейшаго (Имярек), (архи-)епископа (митрополита (титул)), ихже даруй святым Твоим церквам, в мире, целых, честных, здравых, долгоденствующих, право правящих слово Твоея истины.

Хор: И всех, и вся.

Иерей: И даждь нам едиными усты и едином сердцем славити и воспевати пречестное и великолепое имя Твое, Отца, и Сына, и Святаго Духа, ныне и присно, и во веки веков.

Хор: Аминь.

Иерей: И да будут милости великаго Бога и Спаса нашего Иисуса Христа со всеми вами.

Хор: И со духом твоим.

Ектения просительная:

Диакон: Вся святыя помянувши, паки и паки миром Господу помолимся.

Хор: Господи, помилуй. *(На каждое прошение)*

Диакон: О принесенных и освященных Честных Дарех, Господу помолимся.

Яко да человеколюбец Бог наш, прием я во святый и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа прбсим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа прбсим.

Прощения и оставления грехов и прегрешений наших у Господа прбсим.

Добрых и полезных душам нашим и мира миру у Господа прбсим.

Прочее время живота нашего в мире и покаянии скончати у Господа прбсим.

Христианския кончины живота нашего, безболезнены, непостыдны, мирны и добраго ответа на Страшнем Судийци Христове прбсим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Хор: Тебе, Господи.

Иерей: И сподоби нас, Владыко, со дерзновением, неосужденно смети призывать Тебе, Небеснаго Бога Отца, и глаголати:

Моли́тва Господня:

Люди: Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Ами́нь.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебе, Господи.

Иерей: Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Ами́нь.

Диакон: Вбнемем.

Иерей: Свята́я святы́м.

Хор: Еди́н свят, / еди́н Господь, / Иисус Христос, / во славу Бога Отца. / Ами́нь.

Причастен Преподобнаго Моисея:

Хор: В память вечную будет праведник, / от слуха зла не убойтся.

Аллилуйя *(Трижды)*

Прича́стие:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и

невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Вечери Твоея тайны днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святых Твоих Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилуия, аллилуия, аллилуия.

Иерей: Спаси, Боже, люди Твоя, и благослови достояние Твое.

Хор: Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, // Та бо нас спасла есть.

Иерей: Всегда, ныне и присно, и во веки веков.

Хор: Аминь. Да исполнятся уста наша / хваления Твоего Господи, / яко да поем славу Твою, / яко сподобил еси нас причаститься / Святым Твоим, Божественным, безсмертным и животворящим Тайнам, / соблюди нас во Твоей святыни / весь день поучатися правде Твоей. // Аллилуиа, аллилуиа, аллилуиа.

Ектения заключительная:

Диакон: Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: С миром изыдем.

Хор: О имени Господни.

Диакон: Господу помолимся.

Хор: Господи, помилуй.

Заамвонная молитва:

Иерей: Благословляяй благословящия Тя, Господи, и освящаяй на Тя уповающия, спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людям Твоим. Яко всякое даяние благо, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Хор: Аминь. Буди Имя Господне благословено от ныне и до века. **(Трижды)**

Псалом 33:

Хор: **Благодарю** Господа на всякое время, / выну хвала Его во устех моих. / О Господе похвалится душа моя, / да услышат кратции, и возвеселятся. / Возвеличите Господа со мною, / и вознесем Имя Его вкупе. / Взысках Господа, и услыша мя, / и от всех скорбей моих избави мя. / Приступите к Немю, и просветитесь, / и лица ваша не постыдятся. / Сей нищий воззва, и Господь услыша и, / и от всех скорбей его спасе и. / Ополчится Ангел Господень окрест боящихся Его, / и избавит их. / Вкусите и видите, яко благ Господь: / блажен муж, иже уповает на Нань. / Бойтесь Господа, вси святии Его, / яко несть лишения боящимся Его. / Богатии обнищаша и взалкаша: / взыскающие же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек хотяй живот, / любяй дни видети благи? / Удержи язык твой от зла, / и устне твои, еже не глаголати лести. / Уклонися от зла и сотвори благо. / Взыщи мира, и пожені и. / Очи Господни на праведныя, / и уши Его в молитву их. / Лице же Господне на творящия злая, / еже потребити от земли память их. / Возваша праведнии, и Господь услыша их, / и от всех скорбей их избави их. / Близ Господь сокрушенных сердцем, / и смиренных духом спасет. / Многи скорби праведным, / и от всех их избавит я Господь. / Хранит Господь вся кости их, / ни единая от них сокрушится. / Смерть грешников люта, / и ненавидящии праведнаго прегрешат. / Избавит Господь души раб Своих, / и не прегрешат // вси, уповающие на Него.

Иерей: **Благодарение** Господне на вас, Того благодатию и человеколюбием, всегда, ныне и присно, и во веки веков.

Хор: **Аминь.**

Иерей: **Слава** Тебе, Христэ Бже, упование наше, слава Тебе.

Хор: **Слава Отцу и Сыну и Святому Духу и ныне и присно и во веки веков. Аминь.**

Господи, помилуй. *(Трижды)*

Благовослови.

Иерей произносит Отпуст

[Многолетие]

Полезная информация о Преподобном Моисее

Преподобный Моисей Угрин был родом из Венгрии. Вместе со своими братьями святыми Георгием и Ефремом (впоследствии преподобный Ефрем основал Борисоглебский монастырь в городе Торжке; †1053; память 28 января) пришел на Русь и поступил на службу к Ростовскому князю святому стратотерпцу Борису. В 1015 году, когда коварным Святополком Окаянным был убит благоверный князь Борис (память 2 мая и 24 июля), вместе с ним погиб и святой Георгий (память 24 июля). Святой Моисей избежал смерти и нашел приют в Киеве у сестры святых стратотерпцев Бориса и Глеба и князя Ярослава Предиславы. В 1018 году тесть Святополка польский король Болеслав захватил Киев. Выбитый из города великим князем Ярославом, он увел в плен двух сестер князя и многих бояр с их слугами. В числе других святой Моисей в

тяжелых оковах был отведен в Польшу и заключен в темницу, где томился пять лет.

Находясь в темнице, преподобный Моисей усердно молился Господу и дал обет, если вернется в Киев, принять монашеский постриг и оставшиеся дни своей жизни посвятить служению Богу. Испытывая искренность его желания и верность данному обету, Господь попустил святому Моисею тяжелое искушение. Однажды его увидела знатная молодая полячка, муж которой погиб в походе на Киев. Она поразилась красотой и стройностью преподобного Моисея и вспылала к нему нечистой страстью. Панна за большие деньги выкупила святого Моисея, одела его в роскошные одежды, предоставила в его распоряжение свое имение, повелела слугам почитать его, как своего господина. За все это она требовала от преподобного одного: вступить с ней в брак. Но святой был верен своему слову и отверг предложение. Он снял богатые одежды и еще более предался посту и молитве. Разгневанная панна бросила святого в темницу и морила голодом. Но и это не принесло ей исполнения желания. Однако панна не оставила своего намерения. Она вновь окружила святого всевозможной роскошью и почетом, надеясь пробудить в нем тщеславие и любовь к роскоши и удобствам жизни. По ее наущению слуги также пытались уговорить святого к браку с их госпожой, указывая на святость брака. Преподобного Моисея возили по имениям панны, где крестьяне воздавали ему почести, а сама она говорила, что все это принадлежит ему, но и это было напрасно. «Праведники спасались и в брачной жизни, – говорил преподобный Моисей, – но я, грешный, не могу спастись с женой. Нужно быть верным своему слову». Тогда панна стала угрожать ему, но святой отвечал: «Бог – моя защита, ничего не боюсь».

Господь дал возможность преподобному Моисею исполнить желание его сердца: к нему пришел афонский черноризец и постриг его в монашество. Узнав об этом, искусительница приказала бить святого палками, пока не снимет монашеское одеяние. Когда преподобного немилосердно избивали, он говорил: «Бейте, но не требуйте невозможного». Тогда панна пожаловалась королю. Болеслав сначала уговаривал святого исполнить желание панны, но видя безуспешность своей попытки, разрешил делать с праведником все, что она захочет, и в угоду ей изгнал из своих владений всех монахов. Преподобный Моисей предсказал Болеславу и полячке скорую гибель.

В течение четырех лет панна пыталась совратить святого Моисея, доходя в своем стремлении до крайнего бесстыдства. Когда же все меры оказались безуспешными, она приказала оскотить святого и сделать его евнухом.

Господь не оставил подвижника без отмщения: в 1027 году Болеслав внезапно умер, в народе произошел мятеж, во время которого были убиты многие паны, в том числе и нечестивая панна. Преподобный Моисей был настолько измучен и истерзан, что только через несколько лет, после улучшения здоровья, отправился в Киев. Возможно, это произошло в 1031 году, когда великий князь Ярослав вернул на Русь многих пленников. Святой Моисей пришел в пещеру к преподобному Антонию и в течение десяти лет подвизался там в посте и молитве. За великое целомудрие Господь дал преподобному Моисею власть

исцелять плотские страсти. Однажды к святому пришел инок, боримый плотской страстью, и молил его помочь в искушении. Преподобный Моисей взял с инока обет никогда не говорить с женщинами, а затем исцелил его прикосновением своего посоха, без которого не мог ходить из-за прежних ран.

Преподобный Моисей провидел свою кончину. Причастившись Святых Христовых, Таин, он мирно почил 26 июля 1043 года и был погребен в Ближних (Антониевых) пещерах. Святые мощи и молитвенная помощь преподобного Моисея исцеляют от блудной страсти. Известно, что преподобный Иоанн Многострадальный (†1160; память 18 июля), более тридцати лет, мучимый плотской похотью, по повелению Божию, обратился с молитвой к святому Моисею и получил исцеление. Частицей мощей преподобного Моисея он исцелил приходившего к нему инока, также страдавшего от плотской страсти. Божественный голос сказал святому Иоанну, что преподобный Моисей в своем подвиге за целомудрие стал выше Иосифа Прекрасного.

В Иконописном подлиннике о святом Моисее сказано: «Преподобный отец наш Моисей Угрин, Печерский чудотворец, подобием бел, лицом чист, власы русы, брада не велика, аки Златоустаго, руса, на главе клобук черный, в руке четки, ризы преподобническа».

Житие преподобного Моисея Угрина написано монахом Киево-Печерского монастыря преподобным Поликарпом в первой половине XIII века и помещено во второй части Печерского Патерика.